

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ

**ҲУНАРМАНДЧИЛИККА ВА
КАСАНАЧИЛИК БИЛАН
ШУҒИЛЛАНАЁТГАН ШАХСЛАРГА
СУБСИДИЯЛАР АЖРАТИШ БЎЙИЧА
УСЛУБИЙ ҚЎЛЛАНМА**

«Адолат» миллий ҳуқуқий ахборот маркази
Тошкент – 2024

**Ҳунармандчиликка ва касаначилик билан шуғил-
ланаётган шахсларга субсидиялар ажратиш бўйича
услубий қўлланма.** Расмий нашр. Ўзбекистон Республикаси
Адлия вазирлиги, «Адолат» миллий ҳуқуқий ахборот маркази,
– Т.: 2024 й. – 68 б.

ISBN 978-9943-5620-5-9

Тузувчилар: И. Исломов
С. Алламурорадов
М. Ахмедов

Мазкур услубий қўлланма ҳунармандчилик ва касаначилик билан шуғилланаётган шахсларга субсидиялар ажратиш юзасидан “Маҳалла еттилиги” аъзолари учун ҳуқуқни қўллаш амалиётини тўғри ва бир хилда ташкил этиш ҳамда амалга ошириш мақсадида Ўзбекистон Республикаси Адлия вазирлиги томонидан ишлаб чиқилган. Ушбу услубий қўлланма тавсиявий хусусиятга эга.

Мундарижа

Кириш.....	5
Хунармандчиликка ва касаначилик билан шуғилланаётган шахсларга субсидиялар ажратиш юзасидан қонунчилик ҳужжатлари:.....	7
Хунармандчилик ва касаначилик тушунчаси	9
Хунармандчилик фаолиятининг йўналишлари.....	10
Хунармандчилик ва касаначиликни қўллаб-қувватлаш жамғармаси тўғрисида.....	16
Ажратиладиган субсидиялар рўйхати.....	21
Хунармандчилик фаолиятини қўллаб-қувватлаш учун субсидиялар ажратиш тартиби тўғрисида.....	27
Хунармандчилик фаолиятини қўллаб-қувватлаш учун субсидиялар ажратиш схемаси.....	36
Маҳаллаларда касаначиликни ташкил этган тадбиркорлик субъектларига субсидия ажратиш тартиби тўғрисида	37
Маҳаллаларда касаначиликни ташкил этган тадбиркорлик субъектларига субсидия ажратиш схемаси.....	40
Тадбиркорлик субъектларига касаначилик билан шуғулланаётган ишсиз ва иш қидираётган, шунингдек, «темир дафтар», «аёллар дафтари», «ёшлар дафтари» ёки «ижтимоий ҳимоя ягона реестри»га киритилган фуқароларга асбоб-ускуналар ва хом ашё харид қилиш бўйича харажатларини қоплаш учун субсидия ажратиш тартиби тўғрисида	41
Тадбиркорлик субъектларига касаначилик билан шуғулланаётган ишсиз ва иш қидираётган, шунингдек, «темир дафтар», «аёллар дафтари», «ёшлар дафтари» ёки «ижтимоий ҳимоя ягона реестри»га киритилган фуқароларга асбоб-ускуналар ва хом ашё харид қилиш учун субсидия ажратиш схемаси.....	46

Давлат ва нодавлат таълим ташкилотларида давлат буюртмаси асосида касаначилик фаолияти билан шуғулланиш истагини билдирган ишсиз ва банд бўлмаган фуқароларни касбга ўқитиш тартиби тўғрисида	47
Тадбиркорлик субъектларига касаначилик ёки ҳунармандчилик асосида уй шароитида ишлаётган ногиронлиги бўлган шахсларнинг иш жойини мослаштириш ҳамда мослаштирилаётган ҳар бир иш жойи харажатларини қоплаш учун субсидия ажратиш тартиби тўғрисида низом	50
Тадбиркорлик субъектларига касаначилик ёки ҳунармандчилик асосида уй шароитида ишлаётган ногиронлиги бўлган шахсларнинг иш жойини мослаштириш ҳамда ҳар бир мослаштирилаётган иш жойи харажатларини қоплаш учун субсидия ажратиш схемаси	54
Касаначиларни касб-ҳунарга ўқитишга сарфланадиган харажатларни қоплаш учун субсидия ажратиш тартиби тўғрисида	55
Касаначиларни касб-ҳунарга ўқитишга сарфланадиган харажатларни қоплаш учун субсидия ажратиш схемаси	59
Ҳунармандчилик ва касаначиликни қўллаб-қувватлаш жамғармаси маблағлари ҳисобидан тадбиркорлик субъектларига фоизсиз ссуда ажратиш тартиби тўғрисида	60
Тадбиркорлик субъектларига фоизсиз ссуда ажратиш схемаси	63
Ҳунармандчилик билан шуғилланаётган шахслар учун имтиёз ва кафолатлар	64
Ҳунармандчилик соҳасидаги тадбиркорлар учун давлат хизматлари ва улардан фодаланиш тартиби	66

КИРИШ

Ҳунармандчилик соҳаси – янги иш ўринлари ташкил қилиш, ёшларни фойдали меҳнатга жалб этиш, туризмни ривожлантириш борасида катта имкониятлар манбаи ҳисобланади.

Ислоҳотлар даврида ҳунармандлик соҳасига ҳам Республикамизда миллий ҳунармандчиликни ривожлантириш бўйича кенг имкониятлар яратилиб, қатор чора-тадбирлар амалга ошириб келинмоқда.

Сўнгги 6 йилда ҳунармандчилик ва касаначиликни янада ривожлантиришга қаратилган 30 дан ортиқ норматив-ҳуқуқий ҳужжатлар, жумладан, Президентимизнинг 15 та қарор ва фармонлари ҳамда Вазирлар Маҳкамасининг 20 га яқин қарорлари қабул қилингани фикримиз далилидир.

Айниқса, юртбошимизнинг 2017 йил 17 ноябрдаги “Ҳунармандчиликни янада ривожлантириш ва ҳунармандларни ҳар томонлама қўллаб-қувватлаш чора-тадбирлари тўғрисида”ги фармони мазкур масалаларнинг том маънодаги ечими бўлди.

Ҳужжат билан ҳунармандларни ҳар томонлама қўллаб-қувватлаш, уларга ер майдонлари ва бинолар ажратиш, муҳандислик-коммуникация тармоқларига улаш, имтиёзли кредитлар бериш, маҳсулотларини сотиш ва экспорт қилиш, шунингдек, республикаимизнинг туман ва шаҳарларида ҳунармандчиликни ривожлантириш марказларини ташкил этиш ва “Уста-шогирд” мактаблари фаолиятини такомиллаштириш ишлари белгиланди.

Бундай саъй-ҳаракатлар натижасида юртимизда миллий ҳунармандчилик санъати жадал ривожланиб бормоқда. Мисол учун, 2017 йилгача “Ҳунарманд” уюшмасига ўн мингга яқин киши аъзо бўлган бўлса, бугунги кунга келиб уларнинг сони қарийб 7 баробарга, шогирдлар 9 баробарга кўпайиб, соҳада банд бўлганлар сони 230 минг нафарга етди.

Мазкур услубий қўлланма хунармандчилик фаолиятининг йўналишлари юзасидан “Маҳалла еттилиги” аъзолари ва кенг аҳоли учун ҳуқуқни қўллаш амалиётини тўғри ва бир хилда ташкил этиш ҳамда амалга ошириш мақсадида Ўзбекистон Республикаси Адлия вазирлиги томонидан ишлаб чиқилган.

ХУНАРМАНДЧИЛИККА ВА КАСАНАЧИЛИК БИЛАН ШУҒИЛЛАНАЁТГАН ШАХСЛАРГА СУБСИДИЯЛАР АЖРАТИШ ЮЗАСИДАН ҚОНУНЧИЛИК ҲУЖЖАТЛАРИ:



Ўзбекистон Республикасининг Конституцияси



Ўзбекистон Республикаси Президентининг 2023 йил 12 июндаги “Аҳолини хунармандчиликка жалб қилиш ва хунармандчилик фаолиятини ривожлантириш учун қулай шарт-шароитлар яратиш чора-тадбирлари тўғрисида” қарори;



Ўзбекистон Республикаси Президентининг 2017 йил 17 ноябрдаги “Хунармандчиликни янада ривожлантириш ва хунармандларни ҳар томонлама қўллаб-қувватлаш чора-тадбирлари тўғрисида” ПФ-5242-сонли Фармони



Ўзбекистон Республикаси Президентининг 2019 йил 3 октябрдаги “Халқаро хунармандчилик фестивалини ўтказиб боришга оид чора-тадбирлар тўғрисида”ги ПФ-5841-сон Фармони;



Ўзбекистон Республикаси Президентининг 2023 йил 12 июндаги “Аҳолини хунармандчиликка жалб қилиш ва хунармандчилик фаолиятини ривожлантириш учун қулай шарт-шароитлар яратиш чора-тадбирлари тўғрисида”ги ПФ-91 Фармони;



Ўзбекистон Республикаси Президентининг 2019 йил 3 октябрдаги “Хунармандчиликни янада ривожлантириш ва хунармандларни ҳар томонлама қўллаб-қувватлаш чора-тадбирлари тўғрисида”ги ПФ-5242-сон Фармони;



Ўзбекистон Республикаси Президентининг 2021 йил 30 декабрдаги “Хунармандчилик фаолиятини қўллаб-қувватлаш тизимини янада такомиллаштириш чора-тадбирлари тўғрисида”ги ПҚ-77-сон Қарори;



Ўзбекистон Республикаси Президентининг 2022 йил 25 июлдаги “Маҳаллаларда саноат, хунармандчилик, касаначилик ва чорвачилик микромарказларини ташкил этиш чора-тадбирлари тўғрисида”ги ПҚ-77-сон Қарори;



Ўзбекистон Республикаси Вазирлар Маҳкамасчининг 2023 йил 22 июлдаги “Ўзбекистон Республикаси камбағалликни қисқартириш ва бандлик вазирлиги ҳузуридаги хунармандчилик ва касаначиликни қўллаб-қувватлаш жамғармаси фаолиятини ташкил этиш чора-тадбирлари тўғрисида”ги ПҚ-77-сон Қарори;

ҲУНАРМАНДЧИЛИК ВА КАСАНАЧИЛИК ТУШУНЧАСИ

Ҳунармандчилик – миллий-анъанавий майда товар ишлаб чиқариш, оддий меҳнат қуроллари ёрдамида якка тартибда ва қўл меҳнатига асосланган саноат тури; шундай маҳсулотлар тайёрланадиган касбларнинг умумий номи.

Буни билиш муҳим!

Ҳунармандлар Ўзбекистон Республикаси Президентининг 2020 йил 8 июндаги ПҚ-4742-сон қарори билан тасдиқланган Ўзини ўзи банд қиладиган шахслар учун фаолият (ишлар, хизматлар) турлари рўйхатида келтирилган фаолият йўналишлари бўйича ўзини ўзи банд қилган шахс сифатида фаолият юритишлари мумкин.

Касаначилик – тузиладиган меҳнат шартномасига мувофиқ жисмоний шахс (касаначи) томонидан ўз яшаш жойи бўйича ёки касаначига ёхуд унинг оила аъзоларига тегишли бўлган ёки касаначи томонидан ижарага олинган бошқа хоналарда иш берувчининг буюртмалари бўйича товарлар ишлаб чиқариш ёки хизматлар кўрсатиш борасида амалга ошириладиган ишдир..

ХУНАРМАНДЧИЛИК ФАОЛИЯТИНИНГ ЙЎНАЛИШЛАРИ

Ўзбекистон Республикаси Президентининг 2023 йил 12 июндаги ПФ-91-сон Фармони билан тасдиқланган Хунармандчилик фаолиятининг йўналишлари рўйхатига асосан 43 та йўналиш белгиланган. Жумладан:

- **Ганч ўймакорлиги** – қандиллар, девор шамдонлари, кўзгу, нақшлар, сталактитлар, муқарнас (фриз), карнизлар, устунлар элементлари, панжаралар, ҳайкалчалар, панно, шифт ва девор безаклари ва асослари, ганчдан ясалган архитектура ва қурилиш элементлари, бошқа амалий безак маҳсулотлари.
- **Қўлда гилам тўқиш** – гилам ва гиламчалар, палослар, хуржунлар, кигиз буюмлар, шолчалар, жойнамозлар, ўтовлар, табиий толадан тайёрланган буюмлар.
- **Қўлда газламалар тўқиш** – атлас, беқасам, адрас, табиий ипак, ип калава, жун ва сунъий ипдан тўқилган газламалар.
- **Тош ўймакорлиги** – тошдан тайёрланган эсдалик буюмлар, майда пластикалар, қутичалар, ёзув анжомлари, шамдонлар, панно, рельефлар ва контррельефлар, барельефлар, геральдика ва рамзлар, тошни пардозлаш йўли билан тайёрланган безаклар ва бошқа безак буюмлар.
- **Миниатюра, рангасвир, наққошлик ва бўёқли нақшлар тайёрлаш** – лок миниатюраси техникасида тайёрланган буюмлар: қутичалар, суратлар, девор, қоғоз мато, тери, газлама, папье-маше, ёғоч, қовоқ, картон, суяк ва эмалдаги нақшлар ва

расмлар, миниатюра ва тасвирий санъат асарлари, рисоалар ва бошқа ҳунармандчилик буюмлари, муқовалаш.

- **Кандакорлик, мискарлик буюмларини тайёрлаш** – мис, латун, алюминийдан ясалган буюмлар (чайнак, қумғон, лаган, гулдон, шунингдек, безаш ва амалий мақсадлар учун мўлжаллаган бошқа буюмлар).
- **Металлдан буюмлар ясаш** – қўлда ясалган металл буюмлар: эшиклар, нақшли дарвозалар, панжаралар, дераза ва эшик тутқичлари, илгаклар, қўнғироқлар, занжирлар, шамдонлар, кетмонлар, тешалар, хаскаш, паншахалар, омочлар, барча турдаги миллий қилич, ханжар ва пичоқлар, оммавий ишлаб чиқариладиган металл буюмлар.
- **Тунукадан буюмлар ясаш** – қўлда ясалган тунука буюмлар: гулдор ва жимжимадор тарнов ва қувурлар, ошхона анжомлари (ошпичоқ, капкир, чўмич, човли, элак, мантиқосқон ва бошқалар), уй-рўзғор буюмлари (кийим ва парда илгичлар, қўл ювгич, тутқичлар, соябонлар) ва бошқалар.
- **Миллий пойабзал тайёрлаш** – қўлда ва якка тартибда тикилган миллий пойабзаллар, теридан маҳси ва ковушлар, кирза ва кигиз этиклар, сандаллар, шиппаклар, туфлилар.
- **Миллий либослар тайёрлаш** – чопон, яхтак, нимча, болалар чопонлари, тўй либослари ва бошқа миллий кийимлар.
- **Бош кийимлар тайёрлаш** – телпак, салла, шунингдек, мўйна, қорақўл тери, тери ва қўлда ишлов берилган материаллардан тикилган бошқа бош кийимлар.
- **Ёғоч ўймакорлиги** – ёғоч ўймакорлиги услубида бажарилган барча амалий безак санъат турлари.
- **Суякка ўйма нақш солиш** – эсдалик совғалари, майда ҳайкалчалар, нэцкэ, қутичалар, пичоқ, қилич, ханжар соплари, суякдан безак берган ҳолда тайёрланган бошқа амалий безак маҳсулотлари.

- **Гул босилган газламалар ва чокли буюмлар тайёрлаш** – турли хил матоларга гул босиш усулида тайёрланган буюмлар: батик, миллий кўрпа ва кўрпачалар, ёстиклар, белбоғлар, жияклар, сумкалар, тасмалар, болалар кийимлари ва бошқа чокли ҳунармандчилик буюмлари.
- **Каштачилик** – каштачилик ва тўқилган буюмлар, шунингдек, қўлда тайёрланган бош кийимлар қисмлари (кашта машина ёрдамида ҳам тайёрланиши мумкин).
- **Зардўзлик буюмлари** – металл иплардан фойдаланган ҳолда зардўзлик услубида тайёрланган барча ҳунармандчилик маҳсулотлари.
- **Муסיқа асбобларини тайёрлаш** – ишлаб чиқаришдан ташқари усулда тайёрланган барча турдаги миллий муסיқа асбоблари.
- **Чинни, фаянс ва сопол буюмлари тайёрлаш** – чинни, фаянс ва сополдан тайёрланган амалий безак санъатининг барча турлари, архитектура-безак элементлари, чинни, фаянс ва сопол буюмларини нақш ва трафарет билан безаш, лойдан тайёрланган уй ва ошхона буюмлари, тандирлар.
- **Қимматбаҳо металлдан заргарлик буюмларини яшаш** – қонунчиликка мувофиқ тамғаланиши шарт бўлган пробали олтин, кумуш, платина ва платина гуруҳидаги металллардан ижодий, муаллифлик ва миллий услубда ясалган буюмлар.
- **Ўйинчоқлар тайёрлаш** – ёғоч, металл, гипс, мато, сопол ва бошқа материаллардан ишлаб чиқаришдан ташқари шароитда ясалган ўйинчоқлар.
- **Майда ҳайкалтарошлик буюмларини тайёрлаш** – табиий ва сунъий материаллар (гипс, шамот, мис, бронза, алюминий, суяк, ёғоч, тош, сопол, чинни, фаянс, ва бошқалар)дан ясалган барча турдаги ҳайкалтарошлик буюмлари.
- **Чарм маҳсулотларини тайёрлаш** – эгар-жабдуқ анжомлари,

шу жумладан улар учун арқон, белбоғ, қайиш анжомлар, табиий ва сунъий чармдан тайёрланган миллий нимча ва бош кийимлар, чармдан тайёрланган эсдалик буюмлари.

- **Муаллифлик мебелларини тайёрлаш** – амалий безак санъати предметларига кирадиган мебель (тўпламлари ва алоҳида қисмлари).
- **Ёғочдан халқ ҳунармандчилиги маҳсулотларини тайёрлаш** – ошхона анжомлари (ўқлов, туздон, нон қути, жува, кели, ош тахта, чакич), ёғоч, фанер ва ламинатдан тайёрланган турли ҳунармандчилик маҳсулотлари, беланчаклар, болалар аравачаси, бешик ва унинг анжомлари, турли хонтахталар, сандиқ, жавон, эшик, ром, безакли рейкалар, сурат учун ромлар (багет), токарлик ускунасидан тайёрланган ҳар хил шаклли ҳунармандчилик маҳсулотлари, ёғоч шахмат тахтаси ва донаси, панно, ёғочдан қўлда ва кичик механизация воситалари ёрдамида ясалган бошқа буюмлар.
- **Печка ва каминлар ясаш** – печкалар, каминлар, шу жумладан улар учун ҳаво сўриш қурилмалари.
- **Новдалардан буюмлар тўқиш** – ўсимлик новдаларидан тўқилган буюмлар (қамиш, тол, похол, ток новдалари ва бошқа ҳар хил дарахт новдалари).
- **Мозайка ишлари** – девор ва шифт мозайкалари, табиий ва сунъий материалдан мозайка паннолари тайёрлаш.
- **Кўзгу тайёрлаш** – кўзгу ва кўзгу сиртлари тайёрлаш.
- **Шиша пуфлаш ишлари** – бадий пуфлаш асосида ишланган бра, майда пластиклар, эсдалик буюмлари, тақинчоқлар.
- **Ҳажмли ва шаклли қолипларда қуйилган буюмлар тайёрлаш** – табиий ва сунъий материаллардан қуйма услубда ишланган буюмлар, шунингдек, (мураккаб механизм ва машиналардан фойдаланмаган ҳолда) мис, бронза, чўян, алюминийдан қўлда қуйма услубда ишланган маҳсулотлар.

- **Соатсозлик** – деворга осиладиган эксклюзив, полда турадиган, камин ва қўл соатлари тайёрлаш, соат механизмларини таъмирлаш.
- **Эмаллаш ишлари** – эмал қопламали буюмларни тайёрлаш, эмал қопламаларини таъмирлаш ва тиклаш.
- **Эсдалик буюмларини тайёрлаш** – турли табиий ва сунъий материаллардан ҳар хил рангда тайёрланган эсдалик ва совға буюмлари, камар, нишонлар, тасбеҳ, гулдасталар, флористика, икебана ва бошқа буюмлар.
- **Оддий металллардан миллий услубда тақинчоқлар ясаш** – оддий металллардан миллий услубда тайёрланган барча тақинчоқлар (туморлар, зираклар, зебигардон, билагузук, узук, тиллақош ва бошқалар).
- **От анжомларини тайёрлаш** – узанги, тақа, нуқта, қамчи, эгар-жабдуқ ва бошқа маҳсулотлар тайёрлаш.
- **Хаттотлик** – хаттотлик услубида тайёрланган қўлёзмалар, китоблар, миниатюра ва тасвирий санъат асарлари, рисоалар ва бошқа ҳунармандчилик буюмлари яратиш.
- **Қадимий қўлёзмаларни реставрация қилиш** – қадимий ёзма манбаларни консервация ва реставрация қилиш, муқовалаш.
- **Макраме ва қўлда тўқилган буюмлар тайёрлаш** – макраме, патли рўмоллар, спицаларда тўқилган буюмлар.
- **Анъанавий дўппичилик** – ҳудудларга хос гул ва нақшларда миллий услубда тайёрланган дўппи ва бош кийимлар.
- **Замонавий санъат асарлари яратиш** – чиқинди ва қайта ишланган хомашёлардан фойдаланиб декоратив, ноанъанавий асарлар яратиш.
- **Деворга безак бериш** – деворга миллий ва замонавий услубда безак бериш, барельеф.

- **Анъанавий дизайнерлик хизматларини кўрсатиш** – миллий кийимлар, тўй ва маросимларда ишлатиладиган сарпо идишлар, ҳар хил ўлчам ва кўринишдаги жомадонлар.
- **Қуроқчилик усулида тикиш** – кўрпа, ёпинчиқ, панно, ёстиқ жилдлар тайёрлаш

Изоҳ!

ҳунармандлар мазкур йўналишлар бўйича ҳунармандчилик маҳсулотларини (ишларни, хизматларни) реализatsия қилиш, хизмат кўрсатиш ва таъмирлаш ишларини амалга ошириш ҳуқуқига эга.

ЎНАРМАНДЧИЛИК ВА КАСАНАЧИЛИКНИ ҚўЛАБ-ҚУВВАТЛАШ ЖАМЎАРМАСИ

● Жамғарма маблағларини шакллантириш тартиби

Жамғарма маблағлари қуйидаги манбалар ҳисобидан шакллантирилади:

- ✓ Ўзбекистон Республикаси Давлат бюджетидан ҳар йили ажратиладиган **трансфертлар**;
- ✓ халқаро молия институтлари грантлари, жисмоний ва юридик шахслар ва бошқа хорижий донорларнинг **ҳомийлик хайриялари**;
- ✓ Жамғарманинг вақтинча бўш маблағларини тижорат банкларига жойлаштиришдан фоиз шаклида олинадиган даромадлар;
- ✓ қонунчилик ҳужжатларида тақиқланмаган бошқа манбалар.

Жамғарма маблағлари солиқ солинадиган объект ҳисобланмайди.

Ўзбекистон Республикаси Давлат бюджетидан Жамғармани молиялаштиришга ажратиладиган трансфертларнинг ҳажми ҳар йили аниқлаштирилади ва Ўзбекистон Республикаси Давлат бюджетининг асосий параметрларида тасдиқланади.

Халқаро молия институтлари ва бошқа хорижий донорларнинг грантлари, жисмоний ва юридик шахслар ҳамда хайрия жамғармаларининг, жумладан, Ўзбекистон Республикаси норезидентларининг ҳомийлик хайриялари қонунчиликда белгиланган тартибда Жамғарманинг Ҳазначилик хизмати қўмитасидаги шахсий

ғазна ҳисобварақларига келиб тушади, халқаро молия институтлари ва бошқа хорижий донорлар ёки хорижий грантларни бериш шартларида бошқача тартиб назарда тутилган ҳолатлар бундан мустасно.

● **Жамғарма маблағларини бошқариш ва молиялаштириш тартиби**

Ўзбекистон Республикаси Камбағалликни қисқартириш ва бандлик вазирлиги Қорақалпоғистон Республикаси Камбағалликни қисқартириш ва бандлик вазирлиги, вилоятлар ва Тошкент шаҳар Камбағалликни қисқартириш ва бандлик бош бошқармалари, туман (шаҳар) камбағалликни қисқартириш ва бандликка кўмаклашиш бўлимлари тегишли равишда Жамғарма маблағларини тасарруф этувчилар ҳисобланади.

Буни билиш муҳим!

Жамғарма маблағларидан қуйидаги мақсадлар учун фойдаланилади:

а) тадбиркорлик субъектларига ҳар бир касаначининг дастлабки уч ой давомидаги касаначилик фаолияти учун бир ойлик ўртача даромади миқдорида бир марталик субсидия улар касаначиликни ташкил этган маҳаллалар жойлашган ҳудудидан қатъи назар ажратилади;

б) тадбиркорлик субъектларига қуйидаги субсидиялар ажратилади:

2025 йил 1 январга қадар касаначилик билан шуғулланаётган ишсиз ва иш қидираётган, шунингдек, «Темир дафтар», «Аёллар дафтари», «Ёшлар дафтари» ёки «Ижтимоий ҳимоя ягона реестри»га киритилган фуқароларга асбоб-ускуналар ва хом ашё харид қилиш бўйича харажатларини қоплаш учун, бироқ ҳар бир касаначи учун базавий ҳисоблаш миқдорининг 30 бараваригача миқдорда бир марталик;

касаначилик ёки хунармандчилик асосида уй шароитида ишлаётган ногиронлиги бўлган шахсларнинг иш жойини

мослаштириш учун ҳар бир мослаштирилаётган иш жойи бўйича базавий ҳисоблаш миқдорининг 40 бараваригача миқдорда;

касаначиларни касб-ҳунарга ўқитишга сарфланадиган харажатларни уч ойгача бўлган муддатда қоплаш учун, бироқ ҳар бир касаначи учун ҳар ойда базавий ҳисоблаш миқдорининг 2 бараваригача миқдорда;

давлат ванодавлат таълим ташкилотларида касаначилик йўналишида ўқув курсларини тамомлаган ҳар бир битирувчига касбга ўқитиш учун сарфланган харажатларнинг 70 фоизи, бироқ ҳар бир битирувчига базавий ҳисоблаш миқдорининг 4 баробаридан ошмаган миқдорда;

давлат буюртмаси асосида давлат ва нодавлат таълим ташкилотларида касбга ўқитилган касаначиларни малака имтиҳонларини ташкил этиш билан боғлиқ харажатларни банд бўлмаган ҳар бир шахс учун базавий ҳисоблаш миқдорининг 4 бараваридан ортиқ бўлмаган миқдорда.

в) Жамғарма маблағлари ҳисобидан туман (шаҳар)ларнинг тоифасига қараб:

«Уста-шогирд» анъаналари асосида ёшларга ҳунар ўргатаётган ҳунармандларга шогирдлар тайёрлаш, зарур хом ашё сотиб олиш ва шогирдларни иш ҳақи билан таъминлаш учун 1 — 3 тоифа туман (шаҳар)лар учун базавий ҳисоблаш миқдорининг икки бараваригача, 4-тоифа туман (шаҳар)лар учун базавий ҳисоблаш миқдорининг тўрт бараваригача ва 5-тоифа туман (шаҳар)лар учун базавий ҳисоблаш миқдорининг беш бараваригача;

шогирдларга — мустақил фаолият бошлаши учун зарур асбоб-ускуна ва жиҳозларни сотиб олиш учун 1 — 3 тоифа туман (шаҳар)лар учун харажатларнинг 50 фоизи, бироқ базавий ҳисоблаш миқдорининг йигирма беш бараваригача, 4-5-тоифа туман (шаҳар)лар учун харажатларнинг 75 фоизи, бироқ базавий ҳисоблаш миқдорининг ўттиз бараваригача;

усталарга — интернет сайтларини яратиш, ўз маҳсулотларини жаҳон электрон савдо майдончаларига чиқариш ва реклама харажатлари учун 1 — 3 тоифа туман (шаҳар)лар учун харажатларнинг 50 фоизи, бироқ базавий ҳисоблаш миқдорининг йигирма беш бараваригача, 4-5-тоифа туман (шаҳар)лар учун харажатларнинг 75 фоизи, бироқ базавий ҳисоблаш миқдорининг ўттиз бараваригача; хунармандларнинг «Хунарманд» уюшмасига аъзолик бадали харажатлари учун базавий ҳисоблаш миқдорининг беш бараваригача;

г) Жамғарма маблағлари ҳисобидан ҳар бир жалб қилинган касаначи учун 1 миллион сўмгача, бироқ жами 150 миллион сўмгача 2 йилгача муддатга фоизсиз ссуда ажратилади. Бунда мазкур ссудани тадбиркорлик субъектлари талабига биноан касаначиларнинг банк карталарига ўтказиб берилишига рухсат этилади.

Жамғарма маблағларини мазкур Низомда назарда тутилмаган мақсадлар учун сарфлашга йўл қўйилмайди.

● **Жамғарманинг Ишчи органи**

Ўзбекистон Республикаси Камбағалликни қисқартириш ва бандлик вазириликнинг Молия-иқтисод бошқармаси Жамғарманинг Ишчи органи ҳисобланади.

Жамғарманинг Ишчи органи:

- Жамғарма даромадлари ва харажатлари бўйича прогнозни ва ҳисобот балансларини шакллантиради;
- Жамғарманинг даромадлари ва харажатлари бўйича ҳисоб ва ҳисобот юритилишини таъминлайди ҳамда иқтисодиёт ва молия органларига юборади;
- Жамғарманинг молиявий ҳисоботи ишончилигини таъминлайди;

- Жамғарма маблағларидан мақсадли ва самарали фойдаланиш масалалари бўйича изоҳлар ва таклифлар беради;
- фаолиятини касаначилик асосида ташкил этган тадбиркорлик субъектларига субсидиялар ажратиш, уларни молиявий қўллаб-қувватлаш ишларини ташкил этиш ва мувофиқлаштириш;
- касаначилик асосида иш фаолиятини ташкил этган ҳамда Жамғарма маблағлари ҳисобидан субсидия ва ссудалар ажратилган тадбиркорлик субъектларининг иш натижадорлигини таҳлил қилиш.
- Жамғарманинг йил якуни бўйича маблағлари қолдиғи олиб қўйилмайди ва кейинги молия йили учун даромадлар ва харажатлар сметасини тузишда инобатга олинади.

● **Жамғарманинг тушуми ва маблағларидан фойдаланишни назорат қилиш ҳамда жавобгарлик**

- ☑ Ўзбекистон Республикаси Камбағалликни қисқартириш ва бандлик вазирлиги, Қорақалпоғистон Республикаси Камбағалликни қисқартириш ва бандлик вазирлиги, вилоятлар ва Тошкент шаҳар Камбағалликни қисқартириш ва бандлик бош бошқармалари, туман (шаҳар) камбағалликни қисқартириш ва бандликка кўмаклашиш бўлимлари Жамғарманинг маблағларидан мақсадли ва самарали фойдаланиш учун жавоб беради.
- ☑ Жамғарма маблағларидан фойдаланиш юзасидан назорат Ўзбекистон Республикаси Камбағалликни қисқартириш ва бандлик вазирлиги ички аудит хизмати ҳамда Ўзбекистон Республикаси Иқтисодиёт ва молия вазирлиги ҳузуридаги Давлат молиявий назорати инспекцияси томонидан амалга оширилади.

АЖРАТИЛАДИГАН СУБСИДИЯЛАР РЎЙХАТИ

«Уста-шогирд» анъаналари асосида ёшларга ҳунар ўргатаётган ҳунармандларга шогирдлар тайёрлаш, зарур хомашё сотиб олиш ва шогирдларни иш ҳақи билан таъминлаш учун:

- 1, 2, 3-тоифа туман ва шаҳарларда** – Базавий ҳисоблаш миқдорининг (БҲМ) 2 бараваригача;
- 4-тоифа туман ва шаҳарларда** – БҲМнинг 4 бараваригача;
- 5-тоифа туман ва шаҳарларда** – БҲМнинг 5 бараваригача.

Шогирдларга — мустақил фаолият бошлаши учун зарур асбоб-ускуна ва жиҳозларни сотиб олиш учун:

- 1, 2, 3-тоифа туман ва шаҳарларда** – Харажатларнинг 50 фоизи, бироқ БҲМнинг 25 бараваригача;
- 4-5-тоифа туман ва шаҳарларда** – Харажатларнинг 75 фоизи, бироқ БҲМнинг 30 бараваригача.

Усталарга — интернет сайтларини яратиш, ўз маҳсулотларини жаҳон электрон савдо майдончаларига чиқариш ва реклама харажатлари учун:

☑ **1, 2, 3-тоифа туман ва шаҳарларда** – Харажатларнинг 50 фоизи, бироқ БҲМнинг 25 бараваригача;

☑ **4-5-тоифа туман ва шаҳарларда** – Харажатларнинг 75 фоизи, бироқ БҲМнинг 30 бараваригача.

Ҳунармандларнинг «Ҳунарманд» уюшмасига аъзолик бадали харажатлари учун:

☑ **1, 2, 3, 4, 5-тоифа туман ва шаҳарларда** – БҲМнинг 5 бараваригача.

Ҳунармандчилик фаолияти билан шуғулланаётган ногиронлиги бўлган шахсларнинг иш жойини мослаштириш учун ҳар бир мослаштирилаётган иш жойи бўйича:

☑ **1, 2, 3, 4, 5-тоифа туман ва шаҳарларда** – БҲМнинг 40 бараваригача.

Ўзбекистон Республикаси шаҳар ва туманларининг тоифалари:

Худудлар/ Тоифа	1-тоифа	2-тоифа	3-тоифа	4-тоифа	5-тоифа
Қорақалпоғистон Республикаси	мавжуд эмас	Нукус шаҳри ва Қўнғирот тумани;	Беруний, Қораўзақ, Таҳиратош, Тўртқўл, Хўжайли, Чимбой, Эллиққалъа;	Амударё ва Нукус туманлари;	Бўзатов, Кегейли, Қонлиқўл, Мўйноқ, Тахтақўлир, Шуманай.
Тошкент шаҳри	барча туманлар.				
Анджон вилояти	Анджон шаҳри;	Анджон, Асака ва Шаҳрихон туманлари, Хонобод шаҳри;	Балиқчи, Булоқбоши, Қўрғонтепа, Олтинқўл ва Хўжаобод;	Жалалудуқ, Избоскан, Марҳамат ва Пахтаобод;	Бўстон ва Улуғнор.
Бухоро вилояти	Бухоро шаҳри;	Когон шаҳри, Когон, Қоровулбозор ва Ромитан туманлари;	Бухоро, Ғиждувон ва Қорақўл туманлари;	Вобкент, Жондор, Олот, Пешку, Шофиркон;	мавжуд эмас

Жиззах вилояти	Жиззах шаҳри;	Фаллаорол;	Дўстлик, Зарбдор, Зафаробод, Зомин, Мирзачўл, Пахтакор, Фориш, Шароф Рашидов;	Бахмал, Янги-обод;	Арнасой;
Қашқадарё вилояти	Қарши шаҳри;	Шаҳрисабз шаҳри, Ғузор, Қитоб ва Шаҳрисабз туманлари;	Қасби, Қосон, Қўқдала, Қарши, Чироқчи ва Яққабоғ туманлари;	Қамаши, Миришкор, Муборак, Нишон;	Деҳқонобод.
Навоний вилояти	Навоний шаҳри;	Зарафшон шаҳри, Кармана, Навбахор ва Учқудуқ туманлари;	Ғозгон, Қизилтепа, Нурута;	Қонимех, Хатирчи;	Томди.
Наманган вилояти	Наманган шаҳри, Янги Наманган ва Давлатобод туманлари;	Тўрақўрган, Уйчи, Учқўрган;	Қосонсой, Наманган, Поп, Чортоқ, Чуст ва Янгиқўрган туманлари;	Норин;	Мингбулоқ.
Самарқанд вилояти	Самарқанд шаҳри;	Жомбой, Самарқанд ва Тойлоқ туманлари;	Қаттақўрган шаҳри, Булунгур, Иштихон, Нарпай, Оқдарё, Пастдарғом ва Ургул туманлари;	Қаттақўрган, Нууробод, Пахтачи, Паярик;	Қўшрабод.

Сирдарё вилояти	мавжуд эмас	Гулистон ва Ширин шаҳарлари, Сирдарё тумани;	Янгир шаҳри, Мирзаобод ва Оқолтин туманлари;	Боёвут, Гулистон, Сайхунобод ва Ховос туманлари;	Сардоба.
Сурхондарё вилояти	Термиз шаҳри	Жаркўрғон ва Термиз туманлари	Ангор, Денов, Кумкўрғон, Саросиё	Бойсун, Муз-работ, Узун, Шеробод, Шўрчи	Бандихон, Қизирӣқ, Олтинсой
Тошкент вилояти	Оҳангарон ва Чирчиқ шаҳарлари	Анрен, Бекобод, Нурафшон, Олмалиқ ва Янгийул шаҳарлари, Бўстонлиқ, Зангиота, Қибрай, Қуйичирчиқ, Тошкент, Чиноз ва Юқоричирчиқ туманлари	Оқкўрғон, Оҳангарон, Паркент, Уртачирчиқ ва Янгийул туманлари	Бекобод, Бўка ва Пискент туманлари	мавжуд эмас
Фарғона вилояти	Фарғона шаҳри	Қўқон ва Марғилон шаҳарлари, Бувайда тумани	Куvasой шаҳри, Бешариқ, Боғдод, Данғара, Кува, Қўштепа, Олтиарик, Риштон, Тошлоқ, Ўзбекистон, Учкўприк ва Фарғона туманлари	Фурқат	Сўх, Ёзёвон

Хоразм вилояти	Урганч шаҳри	Богот	Хива шаҳри, Гурлан, Тупроққалъа, Ур- ганч, Ҳазорасп, Хонқа, Шовот туманлари	Қўшқўпир, Хива ва Янгибозор туманлари	Янгиариқ
-----------------------	--------------	-------	--	--	----------

ХУНАРМАНДЧИЛИК ФАОЛИЯТИНИ ҚЎЛЛАБ-ҚУВВАТЛАШ УЧУН СУБСИДИЯЛАР АЖРАТИШ ТАРТИБИ ТЎҒРИСИДА

➤ Буни билиш муҳим!

Жамғарма маблағлари ҳисобидан субсидиялар туман (шаҳар) ларнинг тоифасига қараб қуйидаги мақсадлар учун ажратилади:

«Уста-шогирд» анъаналари асосида ёшларга ҳунар ўргатаётган ҳунармандларга шогирдлар тайёрлаш, зарур хом ашё сотиб олиш ва шогирдларни иш ҳақи билан таъминлаш учун — 6 ой давомида ҳар ойда 1 — 3-тоифа туман (шаҳар)лар учун базавий ҳисоблаш миқдорининг икки бараваригача, 4-тоифа туман (шаҳар) лар учун базавий ҳисоблаш миқдорининг тўрт бараваригача ва 5-тоифа туман (шаҳар)лар учун базавий ҳисоблаш миқдорининг беш бараваригача;

шогирдларга — мустақил фаолият бошлаши учун зарур асбоб-ускуна ва жиҳозларни сотиб олиш учун 1 — 3-тоифа туман (шаҳар) лар учун харажатларнинг 50 фоизи, бироқ базавий ҳисоблаш миқдорининг йигирма беш бараваригача, 4-5-тоифа туман (шаҳар) лар учун харажатларнинг 75 фоизи, бироқ базавий ҳисоблаш миқдорининг ўттиз бараваригача;

усталарга — интернет сайтларини яратиш, ўз маҳсулотларини жаҳон электрон савдо майдончаларига чиқариш ва реклама харажатлари учун 1 — 3-тоифа туман (шаҳар)лар учун харажатларнинг 50 фоизи, бироқ базавий ҳисоблаш миқдорининг йигирма беш бараваригача, 4-5-тоифа туман (шаҳар)лар учун харажатларнинг 75 фоизи, бироқ базавий ҳисоблаш миқдорининг ўттиз бараваригача

хунармандларнинг «Хунарманд» уюшмасига аъзолик бадали харажатлари учун базавий ҳисоблаш миқдорининг беш бараваригача

Талабгорга субсидия туман (шаҳар) Камбағалликни қисқартириш ва бандликка қўмаклашиш бўлими (кейинги ўринларда — маҳаллий меҳнат органи) томонидан тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) **ҳокими ёрдамчисининг тавсияси асосида** ажратилади.

● **«Уста-шогирд» анъаналари асосида ёшларга ҳунар ўргатаётган хунармандларга шогирдлар тайёрлаш, зарур хом ашё сотиб олиш ва шогирдларни иш ҳақи билан таъминлаш учун субсидия ажратиш**

«Уста-шогирд» анъаналари асосида ёшларга ҳунар ўргатаётган ва тадбиркор сифатида давлат рўйхатидан ўтган хунармандлар (кейинги ўринларда — хунарманд) шогирдлар тайёрлаш, зарур хом ашё сотиб олиш ва шогирдларни иш ҳақи билан таъминлаши учун субсидия ажратиш бўйича тавсия беришни сўраб ўзининг доимий яшаш манзилидаги ҳоким ёрдамчисига ёзма, «Онлайн маҳалла» электрон платформаси ёки Ягона интерактив давлат хизматлари портали орқали электрон шаклдаги ариза билан мурожаат қилиши мумкин.

Аризада хунарманднинг фамилияси, исми ва отасининг исми, доимий яшаш манзили, паспорт (ID-карта) серияси ва рақами, ишлаб чиқариш эҳтиёжлари учун зарур хом ашё сотиб олиш ва шогирдларни иш ҳақи билан таъминлаши учун сўралаётган субсидия тури, «Хунарманд» уюшмасига аъзолиги ва тадбиркор сифатида давлат рўйхатидан ўтганлиги, банк реквизитлари кўрсатилади, шунингдек, «уста-шогирд» анъаналари асосида шогирд сифатида қабул қилган меҳнатга лаёқатли ёшларнинг (фамилияси, исми ва отасининг исми кўрсатган ҳолда) рўйхати илова қилинади.

Аризада қайд этилган ва илова қилинган ҳужжатлардаги маълумотлар ҳаққонийлиги учун ҳунарманд жавобгар ҳисобланади.

Ҳоким ёрдамчиси уч иш куннда:

«Онлайн маҳалла» электрон платформаси орқали қуйидаги маълумотларни ўрганади:

- ҳунарманд ҳақиқатда «Ҳунарманд» уюшмаси аъзоси эканлигини;
- ҳунарманд сўралаётган субсидия туридан муқаддам фойдаланмаганлигини;

жойига чиққан ҳолда қуйидагиларни ўрганади:

- ёшларнинг ҳақиқатда «уста-шогирд» анъаналари асосида ҳунармандлардан ҳунар ўрганаётганлигини;
- ишлаб чиқариш эҳтиёжлари учун зарур хом ашёга эҳтиёжини;

ўрганиш натижалари бўйича далолатнома расмийлаштиради ва далолатномада қуйидагилар акс эттирилади:

- ҳунарманднинг «Ҳунарманд» уюшмасига аъзолиги;
- ёшлар ҳақиқатда «уста-шогирд» анъаналари асосида ҳунармандлардан ҳунар ўрганаётганлиги;
- сўралаётган субсидия туридан муқаддам фойдаланмаганлиги;
- ишлаб чиқариш эҳтиёжлари учун зарур хом ашёга эҳтиёжи мавжудлиги;

«Онлайн маҳалла» электрон платформаси орқали қуйидаги маълумотларни маҳаллий меҳнат органига юборади:

- тавсия (тавсияда ушбу банднинг «в» кичик бандида назарда тутилган маълумотлар акс эттирилади);
- субсидия олиш бўйича ҳунарманднинг аризаси ва унга илова қилинган ҳужжатлар;

- ✓ ўрганиш натижалари бўйича расмийлаштирилган далолатнома.

Тавсия ва далолатномада кўрсатилган маълумотларнинг ҳаққонийлиги учун ҳоким ёрдамчиси жавобгар ҳисобланади.

Агарда ҳунарманд мазкур Низомнинг 5-банди «а» ва «б» кичик бандларига мос келмаса ёки нотўғри (ёлғон) маълумотлар тақдим этганлиги аниқланган ҳолатларда, субсидия ажратиш рад этилади ҳамда бу ҳақда ҳоким ёрдамчиси бир иш кунида рад этиш сабабларини кўрсатган ҳолда ҳунармандга хабарнома юборади.

Маҳаллий меҳнат органи икки иш кунида:

ҳоким ёрдамчисининг тавсияси ва тавсия билан бирга юборилган ҳужжатларни ўрганиб чиқади;

- ✓ ўрганиш натижасига кўра (агарда тавсия ва ҳужжатларда кўрсатилган маълумотлар ўз тасдиғини топса) субсидия ажратиш тўғрисида маҳаллий меҳнат органининг тегишли буйруғи қабул қилинади ҳамда бу ҳақда ҳоким ёрдамчисига ва ҳунармандга хабарнома юборади.
- ✓ Маҳаллий меҳнат органи ҳунармандга шогирдлар тайёрлаш, зарур хом ашё сотиб олиш ва шогирдларни иш ҳақи билан таъминлаш учун — 6 ой давомида ҳар ойда 1 — 3-тоифадаги туман (шаҳар)лар учун базавий ҳисоблаш миқдорининг икки бараваригача, 4-тоифадаги туман (шаҳар)лар учун базавий ҳисоблаш миқдорининг тўрт бараваригача ва 5-тоифадаги туман (шаҳар)лар учун базавий ҳисоблаш миқдорининг беш бараваригача миқдорда субсидия ажратади ҳамда субсидияни икки иш куни ичида устанинг банкдаги ҳисобварағига ўтказиб беради.
- ✓ Агарда ҳоким ёрдамчиси томонидан берилган тавсия ва юборилган ҳужжатларда қайд этилган маълумотлар ўрганиш давомида ўз тасдиғини топмаса, маҳаллий меҳнат

органи томонидан субсидия ажратиш рад этилади ҳамда бу ҳақда сабабларни кўрсатган ҳолда ҳоким ёрдамчисига ва ҳунармандга хабарнома юборади.

Буни билиш муҳим!

Ушбу субсидия туридан фойдаланиш ҳуқуқи бир марта берилади.

● **«Уста-шогирд» анъаналари асосида ҳунар ўрганган шогирдга мустақил ўз фаолиятини бошлаш учун зарур асбоб-ускуна ва жиҳозларни сотиб олишга субсидия ажратиш**

Уста-шогирд» анъаналари асосида ҳунар ўрганган шогирд (кейинги ўринларда — шогирд) мустақил ўз фаолиятини бошлаши учун зарур асбоб-ускуна ва жиҳозларни сотиб олишга субсидия ажратиш бўйича тавсия беришни сўраб ўзининг доимий яшаш манзилидаги ҳоким ёрдамчисига ёзма, «Онлайн маҳалла» электрон платформаси ёки Ягона интерактив давлат хизматлари портали орқали электрон ариза билан мурожаат қилиши мумкин.

Аризада шогирднинг фамилияси, исми ва отасининг исми, доимий яшаш манзили, паспорт (ID-карта) серияси ва рақами, сўралаётган субсидия тури, «Ҳунарманд» уюшмасига аъзолик маълумотномаси кўрсатилади, шунингдек, «уста-шогирд» анъаналари асосида ҳунар ўрганганлигини тасдиқловчи ҳужжатларнинг нусхалари илова қилинади.

Аризада қайд этилган маълумотлар ҳаққонийлиги учун шогирд жавобгар ҳисобланади.

Ҳоким ёрдамчиси уч иш кунида:

«Онлайн маҳалла» электрон платформаси орқали сўралаётган субсидия туридан муқаддам фойдаланмаганлиги тўғрисидаги маълумотларни аниқлайди;

жойига чиққан ҳолда қуйидагиларни ўрганади:

- шогирднинг ҳақиқатда «уста-шогирд» анъаналари асосида ҳунарманддан ҳунар ўрганганлигини;
- мустақил фаолият бошлаши учун зарур асбоб-ускуна ва жиҳозларни сотиб олишга эҳтиёжини;

ўрганиш натижалари бўйича далолатнома расмийлаштиради ва далолатномада қуйидагилар акс эттирилади:

- сўралаётган субсидия туридан муқаддам фойдаланмаганлиги;
- шогирднинг ҳақиқатда «уста-шогирд» анъаналари асосида ҳунарманддан ҳунар ўрганганлиги;
- мустақил фаолият бошлаши учун зарур асбоб-ускуна ва жиҳозларни сотиб олишга эҳтиёжи мавжудлиги;

«Онлайн маҳалла» электрон платформаси орқали қуйидаги маълумотларни маҳаллий меҳнат органига юборади:

- тавсия (тавсияда ушбу банднинг «в» кичик бандида назарда тутилган маълумотлар акс эттирилади);
- субсидия олиш бўйича шогирднинг аризаси ва унга илова қилинган ҳужжатлар;
- ўрганиш натижалари бўйича расмийлаштирилган далолатнома.

Тавсия ва далолатномада кўрсатилган маълумотларнинг ҳаққонийлиги учун ҳоким ёрдамчиси жавобгар ҳисобланади.

● Усталарга интернет сайтларини ташкил этиш, ўз маҳсулотларини жаҳон электрон савдо майдончаларига чиқариш ва реклама харажатлари учун субсидия ажратиш

«Ҳунарманд» уюшмаси аъзоси бўлган ва тадбиркор сифатида давлат рўйхатидан ўтган шахслар (кейинги ўринларда — уста) интернет сайтларини ташкил этиш, ўз маҳсулотларини жаҳон электрон

савдо майдончаларига чиқариш ёки реклама харажатлари учун ажратиладиган субсидияларнинг айнан бир турини танлаган ҳолда, харажатларни қоплаш учун субсидия ажратиш бўйича тавсия беришни сўраб ўзининг доимий яшаш манзилидаги ҳоким ёрдамчисига ёзма, «Онлайн маҳалла» электрон платформаси ёки Ягона интерактив давлат хизматлари портали орқали электрон ариза билан мурожаат қилиши мумкин.

Аризада устанинг фамилияси, исми ва отасининг исми, доимий яшаш манзили, паспорт (ID-карта) серияси ва рақами, сўралаётган субсидия тури, «Хунарманд» уюшмасига аъзолиги ва тадбиркор сифатида давлат рўйхатидан ўтганлиги, банк реквизитлари кўрсатилади, шунингдек, электрон дастурий таъминот ишлаб чиқарувчи юридик шахс (кейинги ўринларда — дастурчи) билан тузилган шартнома нусхаси илова қилинади.

Аризада қайд этилган ва илова қилинган ҳужжатлардаги маълумотлар ҳаққонийлиги учун уста жавобгар ҳисобланади.

Ҳоким ёрдамчиси уч иш куннда:

«Онлайн маҳалла» электрон платформаси орқали қуйидаги маълумотларни ўрганади:

- устани ҳақиқатда «Хунарманд» уюшмасига аъзолигини ва тадбиркор сифатида давлат рўйхатидан ўтганлигини;
- дастурчининг солиқ хизмати органларида рўйхатдан ўтганлигини;
- сўралаётган субсидия туридан муқаддам фойдаланмаганлигини;

ўрганиш натижалари бўйича далолатнома расмийлаштиради ва далолатномада қуйидагилар акс эттирилади:

- устанинг ҳақиқатда «Хунарманд» уюшмасига аъзолиги ва тадбиркор сифатида давлат рўйхатидан ўтганлиги;
- интернет сайтларини ташкил этиши, ўз маҳсулотларини жаҳон электрон савдо майдончаларига чиқариши ёки рекламанинг

☑ айнан бир тури буйича дастурчи билан тузилган шартноманинг мавжудлиги;

☑ сўралаётган субсидия туридан муқаддам фойдаланмаганлиги;

«Онлайн маҳалла» электрон платформаси орқали қуйидаги маълумотларни маҳаллий меҳнат органига юборади:

☑ тавсия (тавсияда ушбу банднинг «а» кичик бандида назарда тутилган маълумотлар акс эттирилади);

☑ субсидия олиш буйича устанинг аризаси ва унга илова қилинган ҳужжатлар;

☑ ўрганиш натижалари буйича расмийлаштирилган далолатнома.

Тавсия ва далолатномада кўрсатилган маълумотларнинг ҳаққонийлиги учун ҳоким ёрдамчиси жавобгар ҳисобланади.

● **Жамғарма маблағлари ҳисобидан ҳунармандларнинг «Ҳунарманд» уюшмасига аъзолик бадали харажатларини**

Ҳунармандлар ўзларининг «Ҳунарманд» уюшмасига аъзолик бадали харажатларини қоплаш учун субсидия ажратиш буйича тавсия беришни сўраб ўзининг доимий яшаш манзилидаги ҳоким ёрдамчисига ёзма, «Онлайн маҳалла» электрон платформаси ёки Ягона интерактив давлат хизматлари портали орқали электрон шаклда ариза билан мурожаат қилиши мумкин.

Аризада ҳунарманднинг фамилияси, исми ва отасининг исми, доимий яшаш манзили, паспорт (ID-карта) серияси ва рақами, тадбиркор сифатида давлат рўйхатидан ўтганлиги, «Ҳунарманд» уюшмасига аъзолик бадали харажатларини қоплаш учун тўлаш лозим бўлган ҳисобварақ ва сўралаётган субсидия миқдори кўрсатилади, шунингдек, «Ҳунарманд» уюшмасининг бадий кенгаши қарори нусхаси илова қилинади.

Аризада қайд этилган ва илова қилинган ҳужжатлардаги маълумотлар ҳаққонийлиги учун ҳунарманд жавобгар ҳисобланади.

Ҳоким ёрдамчиси уч иш куннда:

«Онлайн маҳалла» электрон платформаси орқали ҳунарманд сўралаётган субсидия туридан муқаддам фойдаланмаганлигини ўрганади;

ўрганиш натижалари ҳунарманднинг аризаси ва унга илова қилинган ҳужжатларни ҳамда тавсияни «Онлайн маҳалла» электрон платформаси орқали маҳаллий меҳнат органига юборади.

- Бунда тавсияда ҳунарманднинг тадбиркор сифатида давлат рўйхатидан ўтганлиги ва сўралаётган субсидия туридан муқаддам фойдаланмаганлиги тўғрисидаги маълумотлар кўрсатилиши керак.

Тавсияда кўрсатилган маълумотларнинг ҳаққонийлиги учун ҳоким ёрдамчиси жавобгар ҳисобланади.

ҲУНАРМАНДЧИЛИК ФАОЛИЯТИНИ ҚўЛЛАБ-ҚУВВАТЛАШ УЧУН СУБСИДИЯЛАР АЖРАТИШ СХЕМАСИ

1-қадам

талабгор тавсия беришни сўраб ўзининг доимий яшаш манзилидаги ҳоким ёрдамчисига ёки "Онлайн маҳалла" электрон платформаси ёхуд Ягона интерактив давлат хизматлари портали орқали мурожаат қилади;

2-қадам

Ҳоким ёрдамчиси талабгорнинг маълумотларини ўрганади, ўрганиш натижалари бўйича далолатнома расмийлаштиради ҳамда тавсияни ва ўрганиш натижалари бўйича расмийлаштирилган далолатномани "Онлайн маҳалла" электрон платформаси орқали маҳаллий меҳнат органига юборади

2-қадам

Маҳаллий меҳнат органи ҳоким ёрдамчиси томонидан юборилган ҳужжатларни ўрганиб чиқади, субсидия ажратиш тўғрисида буйруғи қабул қилинади ҳамда субсидияни талабгорнинг банкдаги ҳисобварағига ўтказиб беради

Жами муддат 5 иш куни

МАҲАЛЛАЛАРДА КАСАНАЧИЛИКНИ ТАШКИЛ ЭТГАН ТАДБИРКОРЛИК СУБЪЕКТЛАРИГА СУБСИДИЯ АЖРАТИШ ТАРТИБИ ТЎҒРИСИДА

● Мурожаат қилиш тартиби

Талабгор касаначиликни ташкил этганидан сўнг субсидия олиш учун маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокими ёрдамчисининг тавсияси асосида тегишли маҳаллий меҳнат органига ёзма равишда ёки Ўзбекистон Республикаси Ягона интерактив давлат хизматлари портали орқали мурожаат қилади.

Талабгорнинг мурожаатида касаначининг фамилияси, исми, отасининг исми, талабгорнинг субсидия тўлаб берилиши лозим бўлган ҳисобварағи (реквизитлари) ва манзили кўрсатилади, шунингдек, мурожаатга касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси, касаначининг дастлабки уч ой давомидаги даромади миқдори тўғрисидаги маълумотнома (ёки касаначининг дастлабки уч ой давомидаги фаолияти учун тўловлар банк орқали тўланганлигини тасдиқловчи маълумотнома) илова қилинади.

● Субсидия ажратиш тартиби ва шартлари

Маҳаллий меҳнат органи талабгор томонидан субсидия олишни сўраб тақдим этилган ҳужжатларни 3 иш куни ичида ўрганиб чиқади. Бунда субсидия бериш учун талабгор ва касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома

ёки пудрат шартномаси Ўзбекистон Республикаси Иқтисодиёт ва молия вазирлиги ҳузуридаги Солиқ қўмитасининг Ягона электрон шартномалар ахборот порталида (кейинги ўринларда — Ягона электрон шартномалар ахборот портали) рўйхатдан ўтказилганлиги ҳамда расмийлаштирилганлигига камида 3 ой ўтганлиги асос ҳисобланади.

Талабгор томонидан ҳужжатлар тўлиқ тақдим этилиб, унда барча зарур маълумотлар кўрсатилганлиги, касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёки пудрат шартномаси расмийлаштирилганлигига камида уч ой ўтганлиги, Ягона электрон шартномалар ахборот порталида рўйхатдан ўтказилганлиги ҳамда касаначининг дастлабки уч ой давомидаги даромади миқдори ҳаққонийлиги тасдиқланганда, маҳаллий меҳнат органи талабгорга касаначиликни ташкил этганлиги учун субсидия ажратиш (ёки ажратишни рад этиш) тўғрисида қарор қабул қилади. Қарорда субсидия миқдори ва уни ажратиш муддати (мурожаат тушгандан сўнг 3 иш кунидан ошмаган муддатда) кўрсатилиши лозим.

Бунда маҳаллий меҳнат органи томонидан касаначининг дастлабки уч ой давомидаги даромади миқдорининг ҳаққонийлиги туман (шаҳар) Солиқ инспекциясидан маълумот олиш йўли билан ёки «Ягона миллий меҳнат тизими» идоралараро дастурий-аппарат комплекси орқали текширилади.

Субсидия ажратиш қўйидагиларга кўра рад этилади:

ҳужжатлар ушбу Низомнинг 4-бандига мувофиқ талабгор томонидан тўлиқ тақдим этилмаганда;

касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ягона электрон шартномалар ахборот порталида рўйхатдан ўтказилмаганда;

касаначининг дастлабки уч ой давомидаги даромади миқдори тўғрисидаги маълумот ҳаққонийлиги тасдиқланмаса.

Маҳаллий меҳнат органи субсидия ажратишни рад этиш тўғрисида қарор қабул қилинган тақдирда, талабгорга ушбу қарор нусхасини бир кун муддатда юборади.

Талабгор маҳаллий меҳнат органининг субсидия ажратишни рад этиш тўғрисидаги қароридан норози бўлса, юқори турувчи органга ёки суд органларига шикоят қилиши мумкин.

Маҳаллий меҳнат органининг субсидия ажратиш тўғрисидаги қарори қабул қилингандан сўнг беш иш куни ичида ушбу Низомнинг 2-бандида кўрсатилган миқдорда бир марталик субсидия ажратилади.

МАҲАЛЛАЛАРДА КАСАНАЧИЛИКНИ ТАШКИЛ ЭТГАН ТАДБИРКОРЛИК СУБЪЕКТЛАРИГА СУБСИДИЯ АЖРАТИШ СХЕМАСИ

1-қадам



тадбиркорлик субъекти (талабгор) туман (шаҳар) Камбағалликни қисқартириш ва бандликка кўмаклашиш бўлимига мурожаат қилади;

2-қадам



туман (шаҳар) Камбағалликни қисқартириш ва бандликка кўмаклашиш бўлими субсидия ажратиш ёки субсидия ажратишни рад этиш тўғрисида буйруқ қабул қилади;

Ўрганиш натижаларига кўра субсидия ажратишни рад этиш тўғрисида буйруқ қабул қилинган тақдирда, талабгорга ушбу буйруқ нусхасини юборади.

3-қадам



туман (шаҳар) Камбағалликни қисқартириш ва бандликка кўмаклашиш бўлими ўқиш бошланган ойдан кейинги ойнинг бешинчи санасида талабгорга субсидия ажратади;

4-қадам



Субсидия ажратилган талабгор ўқиш бошланган кундан 10 кун ичида касаначиларни касб-хунарга ўқитиш бошлаганлиги тўғрисида маҳаллий меҳнат органига ёзма равишда хабардор қилади

Жами муддат 3 иш куни

ТАДБИРКОРЛИК СУБЪЕКТЛАРИГА КАСАНАЧИЛИК БИЛАН ШУЎУЛЛАНАЁТГАН ИШСИЗ ВА ИШ ҚИДИРАЁТГАН, ШУНИНГДЕК, «ТЕМИР ДАФТАР», «АЁЛЛАР ДАФТАРИ», «ЁШЛАР ДАФТАРИ» ЁКИ «ИЖТИМОЙ ҶИМОЯ ЯГОНА РЕЕСТРИ»ГА КИРИТИЛГАН ФУҚАРОЛАРГА АСБОБ-УСКУНАЛАР ВА ХОМ АШЁ ХАРИД ҚИЛИШ БЎЙИЧА ХАРАЖАТЛАРИНИ ҚОПЛАШ УЧУН СУБСИДИЯ АЖРАТИШ ТАРТИБИ ТЎҒРИСИДА

● Субсидия ажратиш тартиби ва шартлари

Талабгор касаначиликни ташкил этганидан сўнг субсидия олиш учун маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳоқими ёрдамчиларининг тавсияси асосида тегишли маҳаллий меҳнат органига ёзма равишда ёки Ўзбекистон Республикаси Ягона интерактив давлат хизматлари портали орқали мурожаат қилади.

Талабгорнинг мурожаатида касаначининг фамилияси, исми, отасининг исми, талабгорнинг субсидия тўлаб берилиши лозим бўлган ҳисобварағи (реквизитлари) ва манзили кўрсатилиши, шунингдек, мурожаатга касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёки пудрат шартномаси илова қилиниши шарт.

Бунда талабгор мурожаатда касаначига буюртма берилаётган иш

турига қараб, субсидия ҳисобидан харид қилинадиган асбоб-ускуналар ва хом ашё номи ва тури, аниқ харид нарҳини кўрсатиши лозим.

Маҳаллий меҳнат органи талабгорнинг муурожаатини илова қилинган тегишли ҳужжатлар билан бирга 3 иш куни ичида ўрганиб чиқади.

Бунда субсидия бериш учун талабгор ва касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ўзбекистон Республикаси Иқтисодиёт ва молия вазирлиги ҳузуридаги Солиқ қўмитасининг Ягона электрон шартномалар ахборот порталида (кейинги ўринларда — Ягона электрон шартномалар ахборот портали) рўйхатдан ўтказилганлиги, шунингдек, касаначилик билан шуғулланаётган ишсиз ва иш қидираётган фуқаролар, «Темир дафтар», «Аёллар дафтари», «Ёшлар дафтари»га киритилганлиги ёки «Ижтимоий ҳимоя ягона реестри»да турганлиги асос ҳисобланади.

Маҳаллий меҳнат органи томонидан талабгорнинг харид қиладиган асбоб-ускуналар ва хом ашё нарҳи давлат харидларининг электрон тизими ёки бошқа очиқ манбаларнинг маълумотларидан фойдаланиш орқали ўрганиши мумкин. Ўрганиш натижаларига мувофиқ асбоб-ускуналар ва хом ашёнинг нарҳини талабгор томонидан бозордаги ушбу асбоб-ускуналар ёки хом ашёнинг ўртача нарҳи қийматига тенг (ёки ундан юқори) белгиланганлиги маҳаллий меҳнат органи харид комиссияси қарори билан тасдиқланади.

Талабгор томонидан ҳужжатлар тўлиқ тақдим этилиб, унда барча зарур маълумотлар кўрсатилган ва касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ягона электрон шартномалар ахборот порталида рўйхатдан ўтказилганлиги, касаначилик билан шуғулланаётган ишсиз ва иш қидираётган фуқаролар, «Темир дафтар», «Аёллар дафтари», «Ёшлар дафтари»га киритилганлиги ёки «Ижтимоий ҳимоя ягона реестри»да турганлиги тасдиқланганда маҳаллий меҳнат органи ва талабгор ўртасида ижтимоий контракт тузилади.

Ижтимоий контракт тузилгандан сўнг касаначига буюртма берилаётган иш турига қараб, асбоб-ускуна ва хом ашёни харид қилиш харажатларини қоплаш учун маҳаллий меҳнат органи томонидан талабгорга субсидия ажратиш (ёки ажратишни рад этиш) тўғрисида уч иш куни ичида қарор қабул қилинади. Қарорда субсидия миқдори ва уни ажратиш муддати (мурожаат тушгандан сўнг 3 иш кунидан ошмаган муддатда) кўрсатилиши лозим.

Маҳаллий меҳнат органининг субсидия ажратиш тўғрисидаги қарори қабул қилингандан сўнг беш иш куни ичида талабгорга ҳар бир касаначига асбоб-ускуналар ва хом ашё харид қилиш бўйича харажатларини қоплаш учун, бироқ базавий ҳисоблаш миқдорининг 30 бараваригача миқдорида субсидия ажратилади.

Субсидия ажратилгандан сўнг 10 кун ичида талабгор ҳар бир касаначи учун асбоб-ускуналар ва хом ашё харид қилинганлиги ва касаначига бепул берилганлиги ҳамда асбоб-ускуналар ва хом ашёнинг хусусиятидан келиб чиқиб номи, тури, маркаси, кафолат муддатини кўрсатган ҳолда ижтимоий контракт тузилган маҳаллий меҳнат органини ёзма равишда хабардор қилиши шарт.

Буни билиш муҳим!

Субсидия ажратиш қуйидагиларга кўра рад этилади:

ҳужжатлар ушбу Низомнинг 4-бандига мувофиқ талабгор томонидан тўлиқ тақдим этилмаганда;

касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ягона электрон шартномалар ахборот порталида рўйхатдан ўтказилмаганда;

касаначилик билан шуғулланаётган ишсиз ва иш қидираётган фуқаролар, «Темир дафтар», «Аёллар дафтари», «Ёшлар дафтари» ёки «Ижтимоий ҳимоя ягона реестри»га киритилмаганлиги тасдиқланганда;

харид қилинадиган асбоб-ускуна ва хом ашёнинг нархи қасддан юқори қилиб кўрсатилганлиги аниқланса.

Маҳаллий меҳнат органи субсидия ажратишни рад этиш тўғрисида қарор қабул қилинган тақдирда, талабгорга ушбу қарор нусхасини бир кун муддатда юборади.

Талабгор маҳаллий меҳнат органининг субсидия ажратишни рад этиш тўғрисидаги қароридан норози бўлса, юқори турувчи органга ёки суд органларига шикоят қилиши мумкин.

● **Касаначининг фаолияти самарадорлигини мониторинг қилиш ва фойдаланилмаётган асбоб-ускуналар ҳамда хом ашёга ажратилган субсидияни қайтариб олиш тартиби**

Маҳаллий меҳнат органи ҳамда ҳоким ёрдамчиси ажратилган субсидия ҳисобидан харид қилинган асбоб-ускуна асосида ишлаётган касаначининг фаолияти самарадорлигини бир ойда бир мартаба олти ой давомида мониторинг қилиб боради.

Ўтказилган мониторинг натижаларига кўра ижтимоий контрактда белгиланган мажбуриятлар бажарилмаганлиги ҳамда субсидия асосида харид қилинган асбоб-ускуналар ва хом ашёдан фойдаланилмаётганлиги аниқланса, маҳаллий меҳнат органи томонидан тегишли далолатнома расмийлаштирилади ва ушбу камчиликларни бартараф этиш бўйича субсидия ажратилган талабгорга хабарнома юборилади.

Субсидия ажратилган талабгор хабарнома олинган кундан эътиборан бир ой ичида кўрсатилган камчиликларни бартараф этиш чораларини кўради ва амалга оширилган ишлар юзасидан маҳаллий меҳнат органига хабарнома юборади.

Хабарнома тушган кундан эътиборан уч иш куни ичида (ёки аниқланган камчиликларни бартараф этиш чораларини кўриш учун бир ой муддатдан сўнг) маҳаллий меҳнат органи ва ҳоким ёрдамчиси субсидия ҳисобидан харид қилинган асбоб-ускуна ва хом ашё билан

фаолият юритаётган касаначилар фаолиятининг самарадорлигини қайта мониторинг қилади.

Ўтказилган мониторинг натижаларига кўра дастлабки мониторингда кўрсатилган камчиликлар бартараф этилмаганлиги аниқланса, маҳаллий меҳнат органи субсидия ажратилган талабгордан ажратилган субсидияни қайтариш бўйича қарор қабул қилади, ижтимоий контрактни бир томонлама бекор қилади ва субсидия ажратилган талабгорга хабарнома юборади.

Хабарномада субсидия ажратилган талабгор томонидан ажратилган субсидияни қайтариш учун маҳаллий меҳнат органига тегишли бўлган банк реквизитлари кўрсатилиши лозим.

Субсидия ажратилган талабгор хабарнома тушган кундан эътиборан беш иш куни ичида ажратилган субсидияни хабарномада кўрсатилган маҳаллий меҳнат органига тегишли бўлган банк реквизитларига (Ўзбекистон Республикаси Марказий банкининг асосий ставкасида фоиз тўловлари билан бирга) тўлиқ миқдорда қайтариши шарт.

ТАДБИРКОРЛИК СУБЪЕКТЛАРИГА КАСАНАЧИЛИК БИЛАН ШУҒУЛЛАНАЁТГАН ИШСИЗ ВА ИШ ҚИДИРАЁТГАН, ШУНИНГДЕК, «ТЕМИР ДАФТАР», «АЁЛЛАР ДАФТАРИ», «ЁШЛАР ДАФТАРИ» ЎКИ «ИЖТИМОЙ ҶИМОЯ ЯГОНА РЕЕСТРИ»ГА КИРИТИЛГАН ФУҚАРОЛАРГА АСБОБ-УСКУНАЛАР ВА ХОМ АШЁ ХАРИД ҚИЛИШ УЧУН СУБСИДИЯ АЖРАТИШ СХЕМАСИ

1-қадам

тадбиркорлик субъекти (талабгор) туман (шаҳар) Камбағалликни қисқартириш ва бандликка кўмаклашиш бўлимига мурожаат қилади;

2-қадам

туман (шаҳар) Камбағалликни қисқартириш ва бандликка кўмаклашиш бўлими тақдим этилган ҳужжатларни ўрганиб чиқиб, субсидия ажратиш ёки субсидия ажратишни рад этиш тўғрисида қарор қабул қилади;

Ўрганиш натижаларига кўра субсидия ажратишни рад этиш тўғрисида қарор қабул қилинган тақдирда, талабгорга ушбу қарор нусхасини юборади.

3-қадам

туман (шаҳар) Камбағалликни қисқартириш ва бандликка кўмаклашиш бўлими талабгорга ҳар бир касаначига асбоб-ускуналар ва хом ашё харид қилиш бўйича харажатларини қоплаш учун, бироқ базавий ҳисоблаш миқдорининг 30 бараваригача миқдориди субсидия ажратади.

Жами муддат 8 иш куни

ДАВЛАТ ВА НОДАВЛАТ ТАЪЛИМ ТАШКИЛОТЛАРИДА ДАВЛАТ БУЮРТМАСИ АСОСИДА КАСАНАЧИЛИК ФАОЛИЯТИ БИЛАН ШУЎУЛЛАНИШ ИСТАГИНИ БИЛДИРГАН ИШСИЗ ВА БАНД БЎЛМАГАН ФУҚАРОЛАРНИ КАСБГА ЎҚИТИШ ТАРТИБИ ТЎҒРИСИДА

● Давлат буюртмасини шакллантириш

Давлат ва нодавлат таълим ташкилотларида давлат буюртмаси асосида касаначилар ушбу Низомга иловада келтирилган схемага мувофиқ касбга ўқитилади.

Буни билиш муҳим!

Туман (шаҳар) ҳокимликлари туман (шаҳар) Камбағалликни қисқартириш ва бандликка кўмаклашиш бўлимлари билан биргаликда келгуси йил учун жорий йилнинг 10 декабрига қадар:

ҳудудларда фаолият юритаётган давлат ва нодавлат ташкилотларининг касаначилик йўналишларида малакали кадрларга бўлган талаб ва эҳтиёжларини ўрганади;

касбга ўқитишга эҳтиёжи бўлган фуқароларнинг касаначилик фаолияти йўналишлари асосида касблар бўйича давлат буюртмасини ишлаб чиқади;

ишлаб чиқилган давлат буюртмасини тасдиқлаш учун Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг Касбий малака ва билимларни ривожлантириш бўйича ҳудудий кенгашларига (кейинги ўринларда — ҳудудий кенгашлар) тақдим этади.

- Худудий кенгашлар тақдим этилган давлат буюртмаларини умумлаштириб, таҳлил қилади ва беш кун ичида тасдиқлайди.
- Давлат буюртмасига тегишли ўзгартириш ва қўшимчалар худудий кенгашлар томонидан киритилади.

● Давлат буюртмаси асосида касаначиларни касбга ўқитишга йўналтириш

- Қорақалпоғистон Республикаси Камбағалликни қисқартириш ва бандлик вазирлиги, вилоятлар ва Тошкент шаҳар Камбағалликни қисқартириш ва бандлик бош бошқармалари:
- Низомнинг 4-бандида кўрсатилган касбга ўқитиш бўйича белгиланган давлат ва нодавлат таълим ташкилотларининг йиллик ўқитиш эҳтиёжларидан келиб чиққан ҳолда ўқитиш тақсимотини ишлаб чиқади;
- ўқитиш тақсимотига асосан давлат ва нодавлат таълим ташкилотларида касаначиларни касаначилик йўналишида касбга ўқитиш ишларини ташкил этади;
- касбга ўқитиш жараёнларини мониторинг қилиб боради;
- касбга ўқитилган касаначиларни касаначилик фаолияти йўналишлари бўйича уларнинг касбий малака даражасини баҳолаш учун малакани баҳолаш марказларига юборади.

● Давлат буюртмаси асосида касаначилик йўналишида касбга ўқитилган касаначиларнинг малака даражасини баҳолаш

- Қорақалпоғистон Республикаси Камбағалликни қисқартириш ва бандлик вазирлиги, вилоятлар ва Тошкент шаҳар Камбағалликни қисқартириш ва бандлик бош бошқармалари давлат буюртмаси асосида давлат ва нодавлат таълим ташкилотларида касбга ўқиган касаначиларнинг малака даражасини баҳолаш учун уларнинг малакани баҳолаш марказларига, шу жумладан,

«Ишга марҳамат» мономарказларида ташкил этилган малакани баҳолаш марказларига юборилишига кўмаклашади.

- Бунда давлат ва нодавлат таълим ташкилотларида касбга ўқитилган касаначилар малака даражасини баҳолатиш учун ўзлари ихтиёрий равишда мурожаат қилиши мумкин.
- Туман (шаҳар) Камбағалликни қисқартириш ва бандликка кўмаклашиш бўлимлари давлат буюртмаси асосида давлат ва нодавлат таълим ташкилотларида касбга ўқитилган касаначиларни малака даражасини баҳолаш учун малакани баҳолаш марказларига юборади ҳамда малака имтиҳонларини ташкил этиш билан боғлиқ харажатларни банд бўлмаган ҳар бир шахс учун базавий ҳисоблаш миқдорининг 4 бараваридан ортиқ бўлмаган миқдорда Ҳунармандчилик ва касаначиликни қўллаб-қувватлаш жамғармаси маблағлари ҳисобидан қоплаб беради.

Буни билиш муҳим!

Малакани баҳолаш марказлари томонидан:

Ўзбекистон Республикаси Президентининг 2020 йил 31 декабрдаги ПҚ-4939-сон қарори билан тасдиқланган Малака даражаларига эришиш схемаси асосида касбга ўқитилган касаначилар малакаси баҳоланади;

баҳолашдан муваффақиятли ўтган касаначиларга ўн кун ичида малака сертификати берилади.

ТАДБИРКОРЛИК СУБЪЕКТЛАРИГА КАСАНАЧИЛИК ЁКИ ҲУНАРМАНДЧИЛИК АСОСИДА УЙ ШАРОИТИДА ИШЛАЎТГАН НОГИРОНЛИГИ БЎЛГАН ШАХСЛАРНИНГ ИШ ЖОЙИНИ МОСЛАШТИРИШ ҲАМДА МОСЛАШТИРИЛАЎТГАН ҲАР БИР ИШ ЖОЙИ ХАРАЖАТЛАРИНИ ҚОПЛАШ УЧУН СУБСИДИЯ АЖРАТИШ ТАРТИБИ ТЎҒРИСИДА НИЗОМ

● Субсидия ажратиш тартиби ва шартлари

Талабгорногиронлиги бўлган шахснинг иш жойини мослаштиргандан сўнг субсидия олиш учун маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳоқими ёрдамчиларининг (кейинги ўринларда — ҳоким ёрдамчиси) тавсияси асосида тегишли маҳаллий меҳнат органига ёзма равишда ёки Ўзбекистон Республикаси **Ягона интерактив давлат хизматлари портали орқали мурожаат қилади.**

Талабгорнинг мурожаатида ногиронлиги бўлган шахснинг фамилияси, исми, отасининг исми, иш жойларини мослаштириш учун сарфланган харажатларнинг асосли ҳисоб-китоби тўғрисидаги маълумот, талабгорнинг субсидия тўлаб берилиши лозим бўлган ҳисобварағи (реквизитлари) ва манзили кўрсатилиши, шунингдек, мурожаатга ногиронлиги бўлган шахс билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси, ёки яқка тартибдаги тадбиркор сифатида

давлат рўйхатидан ўтганлиги, «**Хунарманд**» уюшмасига аъзолиги **тўғрисидаги гувоҳнома нусхаси илова қилиниши шарт.**

Маҳаллий меҳнат органи талабгорнинг мурожаатини ушбу Низомнинг 5-бандига мувофиқ илова қилинган тегишли ҳужжатлар билан бирга **3 иш куни ичида ўрганиб чиқади.**

Бунда Ўзбекистон Республикаси Иқтисодиёт ва молия вазирлиги ҳузуридаги Солиқ қўмитасининг ахборот тизимларида субсидия бериш учун талабгор ва ногиронлиги бўлган шахс билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси рўйхатдан ўтказилганлиги ёки яқка тартибдаги тадбиркор сифатида давлат рўйхатидан ўтганлиги ҳамда иш жойини ногиронлиги бўлган шахсга мослаштириш учун сарфланган харажатларнинг асосли ҳисоб-китоби тўғрисидаги маълумот.

Маҳаллий меҳнат органи томонидан ўрганиш натижаларига кўра мурожаатда кўрсатилган маълумотлар тўғри ва асосли деб топилганда, талабгорга ногиронлиги бўлган шахснинг иш жойини мослаштириш харажатларини қоплаш учун мослаштирилаётган ҳар бир иш жойи бўйича базавий ҳисоблаш миқдорининг **40 бараваригача миқдорда** субсидия ажратиш (ёки ажратишни рад этиш) тўғрисида уч иш куни ичида қарор қабул қилинади. Қарорда субсидия миқдори кўрсатилиши лозим.

Маҳаллий меҳнат органининг субсидия ажратиш тўғрисидаги қарори қабул қилингандан сўнг беш иш куни ичида талабгорга ҳар бир иш жойи бўйича базавий ҳисоблаш миқдорининг **40 бараваригача миқдорда субсидия ажратилади.**

 **Буни билиш муҳим!**

Субсидия ажратиш қуйидагиларга кўра рад этилади:

ҳужжатлар ушбу Низомнинг 5-бандларига мувофиқ талабгор томонидан тўлиқ тақдим этилмаганда;

ногиронлиги бўлган шахс билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси, шунингдек, якка тартибдаги тадбиркор сифатида давлат рўйхатидан ўтганлиги тўғрисидаги маълумот Солиқ қўмитасининг ахборот тизимларида мавжуд бўлмаганда;

ногиронлиги бўлган шахснинг иш жойини мослаштириш тўғрисидаги маълумотлар ўз тасдиғини топмаса.

Маҳаллий меҳнат органи субсидия ажратишни рад этиш тўғрисида қарор қабул қилган тақдирда, талабгорга ушбу қарор нусхасини бир кун муддатда юборади.

Талабгор маҳаллий меҳнат органининг субсидия ажратишни рад этиш тўғрисидаги қароридан норози бўлса, юқори турувчи органга ёки суд органларига шикоят қилиши мумкин.

● **Касаначилик ва ҳунармандчилик фаолияти самарадорлигини мониторинг қилиш ҳамда ногиронлиги бўлган шахсларнинг иш жойини мослаштириш учун ажратилган субсидияларни қайтариб олиш тартиби**

Ҳоким ёрдамчиси:

- ажратилган субсидия ҳисобидан касаначилик асосида уй шароитида ишлаётган ногиронлиги бўлган шахснинг иш жойи мослаштирилганлиги ҳамда талабгор ва касаначи ўртасида тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартномага асосан фаолияти олиб бораётганлигини;
- ажратилган субсидия ҳисобидан ҳунармандчилик асосида уй шароитида ишлаётган ногиронлиги бўлган шахснинг иш жойи мослаштирилганлиги ҳамда якка тартибда тадбиркор

сифатида фаолият олиб бораётганлигини олти ой давомида мониторинг қилади.

- ☑ Ўтказилган мониторинг натижаларига кўра талабгор томонидан белгиланган мажбуриятлар бажарилмаганлиги аниқланса, ҳоким ёрдамчиси томонидан тегишли далолатнома расмийлаштирилади ва ушбу камчиликларни бартараф этиш бўйича субсидия ажратилган талабгорга хабарнома юборилади.
- ☑ Субсидия ажратилган талабгор хабарномани олган кундан эътиборан бир ой ичида кўрсатилган камчиликларни бартараф этиш чораларини кўради ва амалга оширилган ишлар юзасидан маҳаллий меҳнат органига хабарнома юборади.
- ☑ Маҳаллий меҳнат органига хабарнома келиб тушган кундан эътиборан уч иш куни ичида (ёки аниқланган камчиликларни бартараф этиш чораларини кўриш учун бир ой муддатдан сўнг) ҳоким ёрдамчиси томонидан қайта мониторинг ўтказилади.
- ☑ Ўтказилган мониторинг натижаларига кўра дастлабки мониторингда кўрсатилган камчиликлар бартараф этилмаганлиги аниқланса, маҳаллий меҳнат органи талабгордан субсидияни қайтариш юзасидан қарор қабул қилади ва субсидия ажратилган талабгорга хабарнома юборади.
- ☑ Хабарномада субсидия ажратилган талабгор томонидан субсидияни қайтариш учун маҳаллий меҳнат органига тегишли бўлган банк реквизитлари кўрсатилиши лозим.
- ☑ Субсидия ажратилган талабгор хабарнома тушган кундан эътиборан беш иш куни ичида ажратилган субсидияни хабарномада кўрсатилган маҳаллий меҳнат органига тегишли бўлган банк реквизитларига (Ўзбекистон Республикаси Марказий банкининг асосий ставкасида фоиз тўловлари билан бирга) тўлиқ миқдорда қайтариши шарт.

ТАДБИРКОРЛИК СУБЪЕКТЛАРИГА КАСАНАЧИЛИК ЁКИ ҲУНАРМАНДЧИЛИК АСОСИДА УЙ ШАРОИТИДА ИШЛАЁТГАН НОГИРОНЛИГИ БЎЛГАН ШАХСЛАРНИНГ ИШ ЖОЙИНИ МОСЛАШТИРИШ ҲАМДА ҲАР БИР МОСЛАШТИРИЛАЁТГАН ИШ ЖОЙИ ХАРАЖАТЛАРИНИ ҚОПЛАШ УЧУН СУБСИДИЯ АЖРАТИШ СХЕМАСИ

1-қадам

тадбиркорлик субъекти (талабгор) маҳаллий меҳнат органига мурожаат қилади;

2-қадам

туман (шаҳар) Камбағалликни қисқартириш ва бандликка кўмаклашиш бўлими тақдим этилган ҳужжатларни ўрганиб чиқиб, субсидия ажратиш ёки субсидия ажратишни рад этиш тўғрисида қарор қабул қилади;

Ўрганиш натижаларига кўра субсидия ажратишни рад этиш тўғрисида қарор қабул қилинган тақдирда, талабгорга ушбу қарор нусхасини юборади.

3-қадам

туман (шаҳар) Камбағалликни қисқартириш ва бандликка кўмаклашиш бўлими Талабгорга ногиронлиги бўлган шахснинг иш жойини мослаштириш харажатларини қоплаш учун мослаштирилаётган ҳар бир иш жойи бўйича базавий ҳисоблаш миқдорининг 40 бараваригача миқдорда субсидия ажратади.

Жами муддат 8 иш куни

КАСАНАЧИЛАРНИ КАСБ-ХУНАРГА ЎҚИТИШГА САРФЛАНАДИГАН ХАРАЖАТЛАРНИ ҚОПЛАШ УЧУН СУБСИДИЯ АЖРАТИШ ТАРТИБИ ТЎҒРИСИДА

● Субсидия ажратиш тартиби ва шартлари

Талабгор касаначиларни касбга ўқитиш, қайта ўқитиш, уларнинг малакасини ошириш учун маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳоқими ёрдамчиларининг (кейинги ўринларда — ҳоқим ёрдамчиси) тавсияси асосида тегишли маҳаллий меҳнат органига ёзма равишда ёки Ўзбекистон Республикаси Ягона интерактив давлат хизматлари портали орқали мурожаат қилади.

Талабгорнинг мурожаатида касаначининг фамилияси, исми, отасининг исми, субсидия тўлаб берилиши лозим бўлган ҳисобварағи (реквизитлари), касбга тайёрлаш, қайта тайёрлаш, шунингдек, малака ошириш жойи, ўқиш муддати, ўқитиладиган касб йўналиши номи кўрсатилиши, мурожаатга **касаначи билан тузилган фуқаролик-ҳуқуқий тусдаги меҳнат шартномаси ёки пудрат шартномаси илова қилиниши шарт.**

Бунда талабгор мурожаатда касб-ҳунарга ўқитишга сарфланадиган харажат миқдорини кўрсатиши лозим.

Маҳаллий меҳнат органи талабгорнинг мурожаатини илова қилинган тегишли ҳужжатлар билан бирга **3 иш куни ичида ўрганиб чиқади.**

Бунда субсидия бериш учун талабгор ва касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома

ёхуд пудрат шартномаси Ўзбекистон Республикаси Иқтисодиёт ва молия вазирлиги ҳузуридаги Солиқ қўмитасининг Ягона электрон шартномалар ахборот порталида рўйхатдан ўтказилганлиги асос ҳисобланади.

Маҳаллий меҳнат органи томонидан ўрганиш натижаларига кўра мурожаатда кўрсатилган маълумотлар тўғри ва тўлиқ, барча ҳужжатлар тақдим этилган ҳамда ёлғон маълумотлар кўрсатилмаган деб топилганда, мурожаат қилган талабгорга ҳар бир касаначига касб-ҳунарга ўқитишга сарфланадиган харажатларини уч ойгача бўлган муддатда қоплаш учун, бироқ ҳар бир касаначи учун ҳар ойда базавий ҳисоблаш миқдорининг **2 бараваригача миқдорда субсидия ажратиш тўғрисида уч иш кунни ичида буйруқ қабул қилинади.**

Буни билиш муҳим!

Субсидия ажратиш қуйидагиларга кўра рад этилади:

ҳужжатлар ушбу Низомнинг 4-бандига мувофиқ талабгор томонидан тўлиқ тақдим этилмаганда;

касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ягона электрон шартномалар ахборот порталида рўйхатдан ўтказилмаганда.

Маҳаллий меҳнат органи субсидия ажратишни рад этиш тўғрисида буйруқ қабул қилинган тақдирда, талабгорга ушбу буйруқ нусхасини бир кун муддатда юборади.

Талабгор маҳаллий меҳнат органининг субсидия ажратишни рад этиш тўғрисидаги буйруғидан норози бўлса, юқори турувчи органга ёки суд органларига шикоят қилиши мумкин.

Талабгор касбга тайёрлаш, қайта тайёрлаш, шунингдек, малака оширган касаначининг ўқиш яқунланган кундан бошлаб 5 иш кунни ичида ушбу касаначининг ўқишни яқунлаганлигини тасдиқловчи ҳужжат нусхасини маҳаллий меҳнат органига тақдим этиши шарт.

● Касаначини касб-хунарга ўқитиш самарадорлигини

- ☑ Маҳаллий меҳнат органи ҳамда ҳоким ёрдамчиси ажратилган субсидия ҳисобидан касаначиларнинг касб-хунарга ўрганаётганлигини жойига чиққан ҳолда мониторинг қилади.
- ☑ Ўтказилган мониторинг натижаларига кўра талабгор томонидан белгиланган мажбуриятлар бажарилмаганлиги ҳамда касаначи касб-хунарга ўрганмаётганлиги аниқланса, маҳаллий меҳнат органи ходими ва ҳоким ёрдамчиси томонидан тегишли далолатнома расмийлаштирилади ва ушбу камчиликларни бартараф этиш бўйича субсидия ажратилган талабгорга хабарнома юборилади.
- ☑ Талабгор хабарнома олинган кундан эътиборан ўн беш кун ичида кўрсатилган камчиликларни бартараф этиш чораларини кўради ва амалга оширилган ишлар юзасидан маҳаллий меҳнат органига хабарнома юборади.
- ☑ Хабарнома тушган кундан эътиборан уч иш куни ичида (ёки аниқланган камчиликларни бартараф этиш чораларини кўриш учун ўн беш кун муддатдан сўнг) маҳаллий меҳнат органи ва ҳоким ёрдамчиси касб-хунарга ўқитишни қайта мониторинг қилади.
- ☑ Ўтказилган мониторинг натижаларига кўра дастлабки мониторингда кўрсатилган камчиликлар бартараф этилмаганлиги аниқланса, маҳаллий меҳнат органи талабгорга ажратилган субсидияни қайтариш бўйича қарор қабул қилади ва унга хабарнома юборади.
- ☑ Хабарномада талабгор томонидан ажратилган субсидияни қайтариш учун маҳаллий меҳнат органига тегишли бўлган банк реквизитлари кўрсатилиши лозим.
- ☑ Талабгор хабарнома тушган кундан эътиборан беш иш куни ичида ажратилган субсидияни хабарномада кўрсатилган маҳаллий меҳнат органига тегишли бўлган банк реквизитларига

(Ўзбекистон Республикаси Марказий банкининг асосий ставкасида фоиз тўловлари билан бирга) тўлиқ миқдорда қайтариши шарт.

КАСАНАЧИЛАРНИ КАСБ-ҲУНАРГА ЎҚИТИШГА САРФЛАНАДИГАН ХАРАЖАТЛАРНИ ҚОПЛАШ УЧУН СУБСИДИЯ АЖРАТИШ СХЕМАСИ

1-қадам



тадбиркорлик субъекти (талабгор) ҳоқими ёрдамчисининг тавсияси асосида тегишли маҳаллий меҳнат органига мурожаат қилади;

2-қадам



туман (шаҳар) Камбағалликни қисқартириш ва бандликка кўмаклашиш бўлими тақдим этилган ҳужжатларни ўрганиб чиқиб, субсидия ажратиш ёки субсидия ажратишни рад этиш тўғрисида қарор қабул қилади;

Ўрганиш натижаларига кўра субсидия ажратишни рад этиш тўғрисида буйруқ қабул қилинган тақдирда, талабгорга ушбу буйруқ нусхасини 1 кун муддатда юборади.

3-қадам



туман (шаҳар) Камбағалликни қисқартириш ва бандликка кўмаклашиш бўлими субсидия ажратилади;

4-қадам



субсидия ажратилган талабгор Касаначиларни касб-ҳунарга ўқитиш бошлаганлиги тўғрисида маҳаллий меҳнат органига ўқиш бошланган кундан 10 кун ичида ёзма равишда хабардор қилади.

Жами муддат 3 иш куни

ҲУНАРМАНДЧИЛИК ВА КАСАНАЧИЛИКНИ ҚЎЛЛАБ-ҚУВВАТЛАШ ЖАМҒАРМАСИ МАБЛАҒЛАРИ ҲИСОБИДАН ТАДБИРКОРЛИК СУБЪЕКТЛАРИГА ФОИЗСИЗ ССУДА АЖРАТИШ ТАРТИБИ ТЎҒРИСИДА

● Ссудани ажратиш тартиби ва шартлари

Талабгор касаначиларни жалб этгандан сўнг ссуда олиш учун маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокими ёрдамчиларининг тавсияси асосида ҳудудий бош бошқармага ёзма равишда ёки Ўзбекистон Республикаси Ягона интерактив давлат хизматлари портали орқали мурожаат қилади.

Талабгорнинг мурожаатида қуйидагилар илова қилиниши шарт:

- жалб қилинган касаначиларнинг сони, фамилияси, исми, отасининг исми;
- касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёки пудрат шартномаси;
- охириги ҳисобот даври учун солиқдан қарздорлиги йўқлиги тўғрисида солиқ органлари маълумоти, шунингдек, муддати ўтган кредит қарзлари мавжуд эмаслиги ҳақида хизмат кўрсатувчи тижорат банкидан маълумотнома;
- ссуданинг миқдори ва ссуда сўралаётган давр, шунингдек, ссудани қайтаришнинг кафолатланган манбалари;

- талабгорнинг ссуда тўлаб берилиши лозим бўлган ҳисобварағи (реквизитлари) ва манзили.
- Ҳудудий бош бошқарма талабгорнинг мурожаатини илова қилинган тегишли ҳужжатлар билан бирга беш иш куни ичида ўрганиб чиқади.
- Ҳудудий бош бошқарма томонидан зарурат туғилганда, ҳудудий иқтисодиёт ва молия бошқармалари, тижорат банклари ва бошқа ташкилотлардан қўшимча маълумотлар сўраб олиниши мумкин.
- Ҳудудий бош бошқарма томонидан талабгорга ссуда ажратиш (ёки ажратишни рад этиш) тўғрисида уч иш куни ичида қарор қабул қилинади ҳамда қабул қилинган қарор ҳақида талабгор хабардор қилинади. Қарорда ссуда миқдори, уни ажратиш ва қайтариш муддатлари кўрсатилиши лозим.

Буни билиш муҳим!

Ссуда ажратиш қўйидагиларга кўра рад этилади:

ҳужжатлар ушбу Низомнинг 4-бандига мувофиқ талабгор томонидан тўлиқ тақдим этилмаганда;

тақдим этилган ҳужжатлар ўз тасдиғини топмаганда;

касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ўзбекистон Республикаси Иқтисодиёт ва молия вазирлиги ҳузуридаги Солиқ қўмитасининг Ягона электрон шартномалар ахборот порталида рўйхатдан ўтказилмаганда.

Ссуда ажратиш тўғрисида қарор қабул қилингандан сўнг ҳудудий бош бошқарма бошлиғи ва талабгор имзолари билан тасдиқланадиган ссуда ажратиш тўғрисида шартнома тузилади.

Шартномада ссудани қайтариш тартиби ҳамда жадвали илова қилинади.

Ссудани қайтариш, қоида тариқасида, ссуда ажратилган ойдан 3 ой ўтгач бошланади.

Худудий бош бошқарма ва талабгор ўртасида шартнома имзолангандан сўнг беш иш куни ичида ссуда ажратилади.

Мазкур ссуда талабгор талабига биноан касаначиларнинг банк карталарига ўтказиб берилишига рухсат берилади.

ТАДБИРКОРЛИК СУБЪЕКТЛАРИГА ФОИЗСИЗ ССУДА АЖРАТИШ СХЕМАСИ

1-қадам



тадбиркорлик субъекти (талабгор) тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокимларининг ёрдамчилари тавсияси асосида ҳудудий бош бошқармаларга зарур ҳужжатларни илова қилган ҳолда муурожаат қилади;

2-қадам



Қорақалпоғистон Республикаси Камбағалликни қисқартириш ва бандлик вазирлиги, вилоятлар ва Тошкент шаҳар Камбағалликни қисқартириш ва бандлик бош бошқармалари ҳужжатларни ўрганиб чиқади, ҳужжатларни ўрганиб чиқади ҳамда талабгор билан шартнома тузилади;

3-қадам



Ҳудудий бош бошқармалар шартнома имзолангандан сўнг ссуда ажратади;

4-қадам



Талабгор ссудани шартнома шартларига кўра белгиланган муддатларда қайтаради.

Жами муддат 13 иш куни

ХУНАРМАНДЧИЛИК БИЛАН ШУҒИЛЛАНАЁТГАН ШАХСЛАР УЧУН ИМТИЁЗ ВА КАФОЛАТЛАР

2025 йил 1 январга қадар “Халқ амалий санъати усталарининг миллий каталоги” ва “Туризм соҳасида фаолият юритаётган ҳунармандлар реестри”га киритилган ҳунармандлар учун:

- календарь йил давомида ҳунармандчилик маҳсулотларини (ишлар, хизматлар) реализatsiя қилишдан тушган тушумнинг **100 млн сўмдан ошган, бироқ 1 млрд сўмдан кўп бўлмаган миқдори бўйича айланмадан олинadиган солиқ ставкаси 50 фоизга камайтиради;**
- товар белгиларини миллий рўйхатдан ўтказиш **бепул амалга оширилади.**
- 2023 йилда оилавий тадбиркорликни ривожлантириш дастурлари доирасида касаначилик ва ҳунармандчиликни ривожлантиришга ажратилаётган маблағларнинг камида **70 фоизи ҳунармандчиликни ривожлантириш бўйича лойиҳаларни молиялаштиришга йўналтиради.**
- Касаначиликни қўллаб-қувватлаш жамғармаси Ҳунармандчилик ва касаначиликни қўллаб-қувватлаш жамғармаси этиб қайта номланди. 2023 йил 15 июндан бошлаб ҳунармандчиликни молиявий қўллаб-қувватлаш чоралари **Жамғарма маблағлари ҳисобидан амалга оширилади.**

2023 йил 1 июлдан бошлаб:

- ҳунармандчилик маҳсулотларини экспорт қилишда халқаро почта ва курьерлик жўнатмалари сифатида жўнатиш харажатларининг 50 фоизи, бироқ маҳсулот экспорт қийматининг (жўнатиш харажатларисиз) **50 фоизидан ортиқ бўлмаган қисми қоплаб берилади;**

- давлат мулки бўлган моддий маданий мероснинг кўчмас мулк объектларини ҳунармандчилик фаолияти билан шуғулланиш, шу жумладан ҳунармандчилик маҳсулотларини реализatsия қилиш учун фақат Миллий каталог ва Реестрга киритилган ҳунармандларга электрон **онлайн-аукцион орқали ижарага берилади.**
- 2024 йил 1 мартга қадар “Янги Ўзбекистон” боғига туташ ҳудудда 0,3 гектар ер участкасида намойиш зали, “Уста-шогирд” мактаби ва устахонани ўз ичига олган Ҳунармандлар маскани барпо этилиши режалаштирилмоқда. Бунда ҳар бир ҳунармандга **100 кв. метргача бўлган жойлар ижарага берилади.**

ҲУНАРМАНДЧИЛИК СОҲАСИДАГИ ТАДБИРКОРЛАР УЧУН ДАВЛАТ ХИЗМАТЛАРИ ВА УЛАРДАН ФОДАЛАНИШ ТАРТИБИ

● Тадбиркорлик субъектларига ҳунармандчилик ва касаначиликни қўллаб-қувватлаш жамғармаси маблағлари ҳисобидан фоизсиз ссуда ажратиш

Ҳунармандчиликни янада ривожлантириш мақсадида тадбиркорлик субъектларига ҳунармандчилик ва касаначиликни қўллаб-қувватлаш жамғармаси маблағлари ҳисобидан фоизсиз ссуда ажратиш Ягона интерактив давлат хизматлари портали (my.gov.uz) орқали амалга оширилади.

Белгиланган тартибга кўра Ариза берувчи порталда рўйхатдан ва/ёки авторизациядан ўтади ва сўров юборади.

? Кимлар мазкур турдаги хизмат фойдаланувчилари бўлишлари мумкин?



Юридик шахслар ва Якка тартибдаги тадбиркорлар.

Хизмат кўрсатиш учун керак бўладиган ҳужжатлар:



Кредит қарзлари мавжуд эмаслиги тўғрисидаги маълумотнома;



Ссудани қайтаришнинг кафолатланган манбалари тўғрисида маълумотнома.

Хизмат кўрсатиш муддати:

8 иш куни

Хизмат нархи:

Бепул

● Ҳунармандчилик соҳасидаги тадбиркорлик субъектларига ногиронлиги бўлган фуқароларнинг иш жойларини мослаштириш учун субсидия ажратиш

Мазкур масаласи ҳам Ягона интерактив давлат хизматлари портали (my.gov.uz) орқали амалга оширилади.

? Мазкур хизматдан фойдаланиш тартиби қандай?

- Ариза берувчи ЯИДХПда рўйхатдан ва/ёки авторизациядан ўтади ва сўров юборади;
- Ваколатли орган аризачи томонидан субсидия олишни сўраб тақдим этилган ҳужжатларни ўрганиб чиқади;
- Ваколатли орган аризачига субсидия ажратиш ёки субсидия ажратишни рад этиш тўғрисида қарор қабул қилади;

Ушбу турдаги мурожаатлар Ўзбекистон Республикаси Камбағалликни қисқартириш ва бандлик вазирлиги томонидан кўриб чиқилади.

? Кимлар мазкур турдаги хизмат фойдаланувчилари бўлишлари мумкин?



Юридик шахслар ва Якка тартибдаги тадбиркорлар.

Хизматни кўрсатиш учун керак бўладиган ҳужжатлар Сарфланган харажатларнинг асосли ҳисоб-китоби тўғрисидаги маълумотнома.

Сарфланган харажатларнинг асосли ҳисоб-китоби тўғрисидаги маълумотнома.

Хизмат кўрсатиш муддати:

8 иш куни

Хизмат нархи:

Бепул

ЎНАРМАНДЧИЛИККА ВА КАСАНАЧИЛИК БИЛАН ШУЎИЛЛАНАЎТГАН ШАЎСЛАРГА СУБСИДИЯЛАР АЖРАТИШ БЎЙИЧА

УСЛУБИЙ ҚЎЛЛАНМА

Нашр учун масъуллар: *И. Исломов*
С. Алламурорадов
М. Ахмедов

Муҳаррир: *Д. Маткаримова*

Компьютерда саҳифаловчи: *Х. Холиёров*

Ўзбекистон Республикаси Адлия вазирлиги қошидаги

«Адолат» миллий ҳуқуқий ахборот маркази.

Нашр. лис. АИ № 032, 29.10.2019.

Тошкент шаҳри, Амир Темур шоҳқўчаси, 19-уй.

Телефонлар: (99871) 233-28-18, (99871) 280-55-47

Веб сайт: www.adolatmarkazi.uz

е-маил: info@adolatmarkazi.uz

Босишга рухсат этилди ***.*.*.2024* й.

Қоғоз бичими 60x84 ¹/₁₆. «Segoe UI» гарнитураси.

Офсет усулида чоп этилди. Босма табоғи ****.

Нашриёт ҳисоб табоғи ****. Адади ***** нусха.

-буюртма.